

永樂大典

卷二萬六百四十
九

永樂大典卷之二萬六百四十九

二質

易

易言九十三

趙善譽易說易之作也。所以示天下為君父者也。其數以天包地。容而養之者。君父之道也。元之作也。所以示天下為臣子者也。其數以地承天。奉而行之者。臣子之道也。是故易用四象而不用五行。用六爻而不用九位。與夫爻用九。亦用六。而六位以二五為中者。皆虛容而不充。以持續終之事也。此君父之道也。地有四方。元用三方。存北極以為元。老陽有三十六策。元用三十三策。虛地三以併天與夫書平日不書月。而九位以一五為中者。皆尊奉而不敵。以推造始之原也。此臣子之道也。元本地道而作。故首之與卦。準易緯之用。而不準易經之體也。或曰。緯非經也。子雲雖準之。其可信乎。曰。卦氣圖冬至始於復。於復者。二陽之生也。先之以中孚者。七日來復也。夏至始於姤者。一陰之生也。先之以咸者。亦七日來復也。孔子贊易上繫者。天道也。其舉七爻而先之以中孚之九二者。冬至起中孚之理也。下繫者。地道也。其舉十一爻而先之以咸之九四者。夏至起咸之理也。

永樂大典卷之三萬言十九

一

夫中孚。咸。皆感應也。中孚九二。無心之感。先天之生陽也。咸之九四。有心之感。後天之生陰也。天抵陰陽皆由感應而生。故卦氣圖以復繼中孚。而以遇繼咸之美。孔子書言之矣。故謂非出於子夏商瞿之所衍述乎。子雲推之。豈妄也哉。東陸佃陶山集易解。凡物有掛者。有象卦掛也。故孔子擇卦體謂之象。天行健。地勢坤之類是也。有効者。有繫爻效也。故周公作文辭謂之繫。潛龍勿用。履霜。堅冰。至之類是也。禮於天官言懸治象。於地官言懸教象。此有掛者。有象之證也。禮言效馬者。左牽之。效犬者。右牽之。此有效者。有繫之證也。懸者。掛之也。牽者。繫之也。八卦解上。方近剛。圓近柔。柔非所以為健也。圓則通。方則滯。滯非所以為順也。天之形圓。以柔。地之形方。以滯。圓以柔。故其形不健。方以滯。故其形不順。雖然。天形不健。其行健。地形不順。其勢順。故乾曰天行健。坤曰地勢坤。天在道。故乾以行言之。行出於德。故也。地在器。故坤以勢言之。勢生於形。故也。夫天以剛濟圓。地以柔濟方。此性命自然理也。玉弼曰。圓而又柔。方而又剛。求安難矣。柔說而附之者。麗也。剛止而并之者。兼也。故艮言兼山。兌言麗澤。行而從之者。隨也。存而繼之者。游也。蓋氣以散相推而成風。以聚相持而成雷。存則聚。行則散。故巽言隨風。震言存雷。起而上者。作也。推而下者。至也。火

夫上水潤下。故離言明兩作。坎言水洊至。兩物相差為二。二物相敵為兩。於離言兩作者。以重明相繼而作於上也。文於象形為飛而下為至。於會意水洊而至為洊。於坎言洊至者。以重險相繼而存於下故也。八卦解下。乾言重剛。則坤可知也。巽言重巽。則震可知也。以重險言坎。以重明言離。則艮可知也。蓋天下之理。有體斯有用。有性斯有材。故乾以重剛言其體。巽以重巽言其用。坎以重險言其性。離以重明言其材。非獨如此而已也。又其以健設位高而大者乾也。乾者體之至。以入行權稱而隱者巽也。巽者用之至。故乾以重剛言其體。巽以重巽言其用。離者南方之卦也。南者材之所。坎者北方之卦也。北方者性之所。故離以重明言其材。坎以重險言其性。材則華。性則質。華則見。質則隱。故離為文明。坎為信。坎為隱伏。離為見也。夫有體以藏其性。而性足以成體。有用以顯其才。而才足以致用。則天下之理具矣。於父言體。則於母闕之者。舉陽以見陰也。於長女言用。則於長男闕之者。舉陰以見陽也。言性於中男。言才於中女。而闕於男女之知者。舉陰陽以相見也。乾也者。用天者也。坤也者。用地者也。以乾坤而推六子。則震巽坎離艮兌者。各用其形者也。離之性麗。坎之性隱。以坎離而推六卦。則健順動入止說者。各因其性者也。故以重巽而推之。

永樂大典卷萬言百十九

則天重乾。地重坤。雷重震。水重坎。火重離。山重艮。澤重兌。從可知矣。以重險而推之。則乾重健。坤重順。震重動。巽重入。離重麗。艮重止。兌重說。從可知矣。以重明而推其才。以重剛而推其用。則諸卦宜亦若此而已。呂淨德先生集易論上。易之始。蓋生於數而成於變。推之而及乎人事。以盡萬物之理。學者未可不知也。世之學者。不知數之自然。或以為無補於教。畧而不言之。或言而駁誕迂怪。務欲求合其說。其甚者流而入於占術方伎之事。而後已。夫畧而不言者。既不能洞明其原本矣。言而駁誕迂怪者。又不足以尊高易道。取信於人。而反為之累。則三才造化之樞。孰從而究極其理耶。嘗聞之曰。陰陽之消息。兩儀之動靜。四時之生殺。萬物之始終。若以尺之而不知其然者。以數之謂也。數也者。至神運動之迹。顯見於外。而可以名之也。成變化而行鬼神者。五行有三也。五行生成之用。而數之自然也。分陰陽而生八卦者。九六也。九六者出乎數而入乎象也。數之自然者。五十有五。而卦則立於九六者何也。參天兩地而立之本。其始也。是故有太極而後有兩儀。有兩儀而後有四象。八卦。易始於一。一生二。二生三。三也者。兩之則六。三之則九。九者為奇。而六者為偶。則陰陽之始。而象數之本也。聖人觀察天地之本統。參考萬物之情狀。探之於渾淪之先。發

永樂大典

卷二〇六四九

之於成者之使。鳥之三畫象三才也。是故以畫言則曰三。以象言則曰乾。易也者。變而相生也。不變則無以適其用。是故數變則三為九。象變則乾生坤。乾畫則三。坤畫乃六。因而為九也。乾坤之畫未定。陰陽之氣不相須以成。則生生之用。或幾乎息。是故乾三畫下交於坤。則為震。為坎。為艮。此關氏所謂得乾坤偶數為陰也。八卦之位二十有四。非無陽也。而有陰之數也。八卦之畫三十有六。非無陰也。而有陽之數也。此陰陽九六之數互見也。八卦之生本諸乾坤。乾為陽。故其策二十有四。此九六之數。抑又合於位與畫之自然也。不言少陰少陽者。七八居九六之間也。數變而卦有六十四。卦生而爻有三百八十四。爻具而策有萬一千五百二十。萬物之數盡矣。聖人知夫數之自然。八卦由之而生。萬物由之而成。於是推明其作易用蓍之意。而繫之於經曰大衍。大衍者。所以演天地之數。而神乎易之用也。是以明於無心之畫。而陰陽奇偶可見焉。今夫三揲之後。不取其善之奇。而歸與初而一者。而取其已揲者。或多而三十有六。或少而二十有四。或益而三十有二。或損而二十有八。則天地之數。兆於此。而不兆於彼也。夫不取其奇而一之何如也。蓋道者以靜為本。以動為末。靜者得之於

永樂大典卷二萬六千四百九

三

不為。不為則自然也。彼奇而歸與其初而一者。皆動也。此以四揲之而有九六者。靜也。豈非其自然耶。或曰。然則其用四十有九者。又何也。曰。未分而二者。一也。太極之象也。二以象兩。而使見其用也。四十有九者。六。太極之極也。卦以八而生。位以六而定。畫以九而變。大衍以七而知。則陰陽奇偶之數。其可晦乎。明此者可與言易矣。伏羲仲尼之心。豈異哉。易論中乾坤之生六子。可得而知也。八卦之為六十四。其可得而知乎。不啻於數。不感於氣。而使可知也。或易固有數。而八卦之成列。不可以數言也。卦固有氣。而六爻之通變。未可以氣言也。以數而言者。求於八卦之先。而未至於象也。以氣而言者。得於六爻之後。而不歸于象也。求於八卦之先。而本於數。故謂坎離。先天地得於六爻之後。而感乎氣。故為卦。氣起中乎。蓋數與象與氣於卦之相生。其迹甚迹。而其理甚微。宜乎說者之不能別。而紛紛其間也。譬之於人。其智愚壽夭有數也。其四體具者象也。其動息語默者氣也。今日之曰人者。特以其智愚壽夭。與其動息語默之何如。而稱之邪。亦以其四體之具。而稱之也。其生而有智愚壽夭。則置而不言。其動息語默之何如。則未議及之。蓋有生而後有體。有體而後有動息語默。數之與象。象之與氣。亦何異於是。有數而使得其象。有象而使知其氣也。有

數而後得其意是以三畫為乾。六畫為坤。謂之乾坤。而不謂之九六。則卦之相生不可以數言。而可以象言也。有象而後知其氣。是以有復之象。而後明之。曰七日来復。有臨之象。而後推之。曰八月有凶。則卦之相生可以象言。而未可以氣言也。苟質之於經。以乾坤為之始。以六子為之次。不為異端小說之所奪。一本諸象以求六十四卦始終之變。則其誰曰不然。昔者聖人之言曰。震一索而得男。故為之長男。巽一索而得女。故謂之長女。坎再索而得男。故謂之中男。離再索而得女。故謂之中女。艮三索而得男。故謂之少男。兌三索而得女。故謂之少女。其言曰。震一索而得男。巽一索而得女者。猶言曰。一索而得震為男。一索而得巽為女也。此諸卦相生之法也。夫陰陽者。相求之物也。由其相求。然後有生生之用。成萬物之象焉。是以乾坤之位定。八卦之爻重。陰必求陽。陽必求陰。始於一陰一陽之相求。六子以次而生。再變而窮。而十有二卦成矣。故乾之初求於坤。得震而為長男。則謂之復。坤之初求於乾。得巽而為長女。則謂之姤。乾之二求於坤。得坎而為中男。則謂之師。坤之二求於乾。得離而為中女。則謂之同人。乾之三求於坤。得艮而為少男。則謂之謙。坤之三求於乾。得兌而為少女。則謂之豫。此其一變也。乾之四求於坤。得震而為長男。則謂之豫。坤之

永樂大典卷之六言十九

四

四求於乾。得巽而為長女。則謂之小畜。乾之五求於坤。得坤而為中男。則謂之比。坤之五求於乾。得離而為中女。則謂之大有。乾之六求於坤。得艮而為少男。則謂之剝。坤之六求於乾。得兌而為少女。則謂之夬。此其再變而窮也。以此而推其中。則二陰二陽之相求。六子以次而生。起於七鼎。四變而窮。而二十四卦之象成矣。又以此而推其終。則三陰三陽之相求。六子以次而生。起於否泰。三變而窮。而十有八卦之象成矣。與夫求之於數。得之於氣。而涉乎異端小說之紛紜者。孰為簡易哉。易論下 卦之有象。由乾坤六子之相生。而陰陽變化之各適。聖人因而名之。所以該三極之道。括萬事之緼。示人以易之本統也。先儒雖有假實美用之說。而未嘗互明其所以然。或迂滯而不通。淺易而無所考。信夫物之有體。必有用。體之所主者一。而用之所召者衆。始乎天地地化之至廣至大。而盡乎人事物理之至纖至微。未有不由于此也。天高地卑。水流濕。火就燥。雷之轟轟。風之泠泠。山積而上。澤聚而下。皆其體也。視之而有常也。天地相交。水火相連。雷風不相悖。山澤相通。晦明寒暑得之而循環。凡有生知血氣之類。由之而終。皆其用也。推之而無窮也。其歸之於卦。而揭之於象也。專言于體。則用有所備。止言于用。則體有所時。是必觀陰陽之相須。因上下之相

重。而互言之。乾坤坎離震巽兌有諸卦之祖也。止以體言。而用居其間也。天地不交為否。交為泰。雨未及於下。雷未宣於上。則曰屯。雨潤而下。雷動而上。則曰解。地必有水為師。水必觀地為比。天與水運行訟也。雲上於天可需待也。上天下澤為萃。辨位則曰復。澤上於天決然下潤。則曰噬。天與火曰同人。火柔而明居於外。天剛而高居於內。內有剛德而外示柔以容物。不夫其明。有高明柔克之義。曰有大地雷復。靜也。雷地豫。動也。山附於地。外雖剛正。而內附柔邪。剝也。地中有山。外柔順中剛正。謙也。果陽少陰。歸妹也。上示以悅下感而動。隨也。漸進也。故山上有木曰漸。臺事也。上以剛德止節於物。從推行令。所謂有事而待能也。故山下有風曰蠱。地中生木升也。令行於衆而可觀望。觀也。天地晉顯也。地大明夷。隱也。山下出泉。履得其地。有決導之理。養晦侯時。蒙也。水以就下為和。居山之上。履非其地。蹇也。澤性履平。在地之中。上以順道臨之。而下悅。臨也。澤必就地。辛也。大矣而上。山止而下。旅無容也。坤變而艮。乾變而離。剛柔相克者道成也。盛陽升而在上。助天施化。大壯也。剛德上居。威令下動物不可妄也。木上有火。烹飪也。風自火出。由乎明內。而後施教。齊物於外。家人也。艮之氣既始萬物。繼之以震。皆得其養。故山雷頤也。物之生雖始於艮。及其鼓動

永樂大典卷萬言十九

甲折。則雷之功顯。而艮之用隱。言其體則二陽究其發生之迹。則雷有以過之。故雷山小過也。木進而上。澤順而下。物之分也。故澤木為大過。柔在內而靜。剛居中而正。內靜而正信發乎中。號令行於外。以及於物。故風澤為中孚。風行水上。波險渙散也。木上有水。順乎上而有水井之功也。上大下澤。睽也。澤居上大。履下位則相易。勢則相戰而變生。萃也。君德在上。號令施於下。則物有所遇。故天風為姤。君德未居於上。號令不及於下。則待時而發。故風天為小畜。雷電者。相須之物也。電作於上。雷動於下。有必合之理。故大雷為噬嗑。雷電既合。成明之至。則臨照天下。故雷大為豐。山高澤卑。山下有澤。言高必有卑。虧損之象也。澤上有山。男下於女。咸感之理也。長陽長陰相配而成。尊卑之位正。剛柔之氣合。萬世不易乎此。常也。風散雷動。百物屯茂。益也。澤無水。困也。水在於澤。畜而不流。物有其節也。火水未濟。不相入也。水火既濟。相逮也。然則否七言乎體。泰解言乎用。推之諸卦。皆可可知也。蓋易以變生。而象以互立。皆體用之謂也。或曰卦之象。皆用也。安可謂互見邪。曰立象者。以體用。取知易者。得其用。而體可忘也。是景運集易規。既之山。無事。無以所聞。讀易自娛。若著書則不敢。而又未能忘言於斯世也。作易規十有一篇。運中靖國元年辛巳六月十二日。

永樂大典

磁州武安縣成池軒。三才。八卦成列。象在其中矣。因而重之。又在其
中矣。是未重卦之時。三才之象固已具矣。所謂兼三才而兩之。故易六畫
而成卦者。言三畫既兼三才。而六畫又以兩之。故卦成於六畫也。又曰。兼
三才而兩之。故六。六者非他。三才之道也。蓋兼兩之者。別有所屬。言惟三
才之道而已也。聖人前後反復告人明矣。奈何使之學者。以初二為地。三
四為人。五上為天乎。伏犧初畫卦時。三才不備乎。有地與人而獨無天可
乎。夫所謂仰觀俯察者。無所不寓也。昔顏永嘉獨有得於此。何衡陽猶屢
辨之。况他人乎。顏云。過此以往。予欲無言。則所感不淺矣。此之初聞虞翻
夢吞三文而通易。陸希聲夢三聖人而稽象。象作傳意。夫二子者可語伏
犧之易也。翻乃蔽於五體旁通。希聲不出王輔嗣之藩籬。惜哉。唯楊子雲
準易而為三玄。一行論三微而成一象。其得深矣。吾康節先生所謂易者
伏犧氏之易也。應學者以初應四。二應五。三應上。予不知其何以也。
係辭言卦之象數。剛柔變通之類。非一也。其詳至於三言五言七言而不
已。未嘗及所謂初四二五三上之應也。繫辭論成九四之類。凡十有七爻。
闡弘明者。若恐無以告人者。諄諄勸矣。又未嘗一言及乎應也。在爻凡三
百八十四。象示其吉凶悔吝。皆所以然者。亦未嘗一言在應也。惟師。小

水樂大典卷高言十九

六

畜。復。同人。大有。豫。臨。无妄。咸。恒。遯。睽。損。萃。升。未濟。十有六卦之象。以應為
言。而實非初四二五三上之應也。脫如初四二五三上之應。則損應有時
而益亦應有時也。未濟則柔應而既濟亦剛柔應也。損既濟之象。何為不
以言乎。彼四十八卦。乃皆無應乎。且夫八純卦。或者皆曰無應也。其皆不
善乎。獨艮之象。乃言上下敵應。不相與又何耶。小畜大有五陽而一陰。或
者謂小畜之六四初九。大有之六五九二。為應耳。安有柔得位。而上下俱
應之理乎。大有六五之交與夫九二之載善矣。九三上九。號為無應。而九
三公用亨于天子。上九自天祐之。言無不利。顧豈不善乎。中孚九二九五
號為無應。而九二鳴鶴和陰。九五有孚。學如。則不必如大有之六五九二
有應乎。中孚六三上九。號為有應。而六三鼓鼙歌泣之無常。上九翰音登
天而無實。反不如大有之九三上九之無應乎。遯初六九四。號為有應。而
初六遯尾。九四好遯。陽利應。而陰不利。應乎。順初九六四。號為有應。而初
九凶於捨應。六四吉於得虎。又乃陰利應。而陽不利。應乎。升初六六四。號
為無應。而初六允升大吉。六四玉用亨于岐山。陰無應而俱得亨。豐初九
九四。號為無應。而初九遇其配主。九四遇其夷主。陽亦無應而俱得亨。鼎
六五九四。號為有應。而六五鼎黃耳金鉉。上九九三。號為無應。而上九又

夫位。而象言其位在中以貴行也。株之九三號為得位。而株焚其次。喪其
 童僕。九四號為夫位。而株於廢得其資斧。噬嗑象言雖不當位。利用獄也。
 至六五象。則言貞厲无咎得當也。既濟象言剛柔正而位當。未濟象言雖
 不當位。剛柔應也。參差反復如此。則有得有失。初不繫於位之當否。果何
 足論哉。借如彼學者之論。則位之不當者。乘夫。象之所言才十有三。履險
 臨噬嗑。震兌中乎未濟之六三。解夫革小過之九四。大壯之六五。是也。位
 之當者。亦乘夫。象之所言才七。比无漢節中孚之九五。臨賁之六四。是
 也。不知果何謂也。嗚呼。聖人之告人。亦明矣。其美必在爻位者。則乘夫位
 而稱之。大畜六四。无咎有喜。六五之吉。有慶之類。是也。有爻位之義。象在
 卦者。則又亦兼卦著之。比之初六。有它吉。大有初九。无交害之類。是也。顧
 弗明乎。學者仍倡之。喜於自昧。承乘。學者既為有慮無慮。得位不得
 位之說。而求之或不通。則又為承乘之說。譬如彼老三窟。期必一安。其說
 謂陰承陽則順。陽承陰則逆。陽承柔則吉。陰承剛則凶。紛紛者。至於專君
 奪民。分女冠婚。患得患失。區區卦菹。烏觀觀會。通於自然行典禮。而不作
 周流廣大者哉。是離皆得於上。而失於下。坎皆得於下。而失於上。豈其然
 乎。且易之繫辭。曾無一字及此也。繫辭有所謂凡易之情。近而不相得。則

水樂大典卷三萬六千九

八

凶或害之。悔且吝者。似乎承乘而非也。此論易之情耳。爻象以情言。吉凶
 以情遷。是也。安論位之遠近。象亦有所謂從上舍下。志在內志在外者。
 復似乎承乘而非也。象泛言上下內外而不正。以一爻為言也。其言乘剛
 者。凡五。七噬嗑震之六二。六五。豫之六五。皆本諸震而云爾也。非震非坎
 未之或恤。如乾易以知險。坤簡以知阻。則无無所病也。若夫乘柔與乘剛
 者。象亦不見一字也。師九二之承天寵。蠱初六之意承考。六五之承以德。
 歸昧初九之吉相承。上六之承虛篋。節六四之承上道。又豈正爻位而云
 哉。小過六二過其祖。遇其妣。不及其君。過其臣。辭之難了者。自王輔嗣而
 來。一口曰。初。祖也。君也。六二過初而不及五。云爾也。不知凡厥六二。如
 之何也。其不思亦甚矣。荀悅稱相帝特為融著易解。頗生異說。及臣叔父
 故司徒奕著易傳。據爻象承應陰陽變化之義。以十篇之文。解說經意。由
 是充豫之旨。易者咸傳荀氏學。而馮氏亦頗行於世。然則乘應之學。自荀
 奕而盛歟。中正。中正。易之所尚也。雜物撰德。辨是非。則非其中。先
 不備。豈謂位之中乎。吉凶者。貞勝者也。天地之道。貞觀者也。日月之道。貞
 明者也。天下之動。貞夫一者也。亦豈謂位之正乎。學者必以位而論中正。
 則季氏不特富於周公。亦且賢於仲尼矣。如六二九五。為中且正。則凡六

五九二俱不善乎。初上三四未不得用中乎。艮六五安得良其輔以中正。未濟九二安得貞吉。中以行正。復之六四中行。泰之六四中心願為者。又復何邪。如以陽居陽。以陰居陰。為得位。而正。陽之居陰。陰之居陽。為失位。而不正。則凡初九九三皆善。而初六六三皆不善乎。凡六四上六皆善。而九四上九皆不善乎。晉之初六獨行正。艮之初六未失正。蒙初六之正法。離上九之正邦。又復何邪。凡所謂貞吉貞凶者。皆非初六九二六三九四六五上九之事。未濟六爻在彼學者。皆失正失中。而九二九四六五何以皆貞吉邪。以卦言之。中乎用中。蒙順養正。中乎獨二五備德。而蒙之六五不得為童蒙之吉。順六五不得有居貞之吉邪。蓋象之所謂中正者。自因卦而為言。又安得以爻卦為一體哉。曾卦爻之不辨也。慙夫。卦爻觀變於陰陽而立卦。發揮於剛柔而生爻。是卦爻各有所自也。卦以象立。爻以情言。又其為用亦不同也。學者正措一爻而成一卦。是爻猶頭也。卦猶贊也。聖人何喜多端而蘊崇哉。得非學者見小畜象言柔得位。而上下應之曰小畜。同人象言柔得位得中。而應乎乾曰同人。大有象言柔得尊位大中。而上下應之曰大有。遂爾妄意歟。大有六五厥孚交如威如吉。因以成大有之卦似可也。小畜六四有孚血去惕出无咎。何能成小畜之卦乎。同人六三同人于宗吝。亦能成同人之卦乎。彼為之辭曰。成卦則可。為爻則不可。予所未喻也。譬如有人未知牧豕。使之擾龍。不其難乎。又彼謂獲虎尾。咥人亨者。正為六三一爻也。六三則獲虎尾。咥人凶。大過揀撓。本末弱者。正謂初六上六之弱也。初六藉用白茅无咎。上六過涉滅頂凶。果其弱歟。如此之類。不因象而妄使卦爻冰炭者。卒無典常。旁行而流也。何足道哉。何足道哉。象。昔嵇康作言不盡意論。殷融作象不盡意論。卓哉。吾意夫二子者。可謂言易也。其深得聖人之言者與。聖人謂言不盡意。故立象以盡意。使意盡於象。則亦盡於言。而意非言之所盡。則亦非象之可盡。姑立象以盡之。象莫之盡也。意如其盡。則象亦不立。今象之立以盡不盡之意。非盡不盡之言也。學者乃乎吮吮於象。是聖人欲以盡意者。欲盡言也。不亦悖乎。何襄城惠之。乃為六象之論。曰實象。曰假象。曰偏象。曰圓象。曰義象。曰用象。蕭氏又難之。不取偏象圓象。而立四象之論。何蕭不知一物俱有六象。非一象各著一物。是木見曉曉之徒也。彼鄭康成。屢翻輩巧於取象。旁行曲致。王弼惠之。曰爻苟合順。何必坤乃為牛。義苟應健。何必乾乃為馬。弼乃太恕乎。是易之立象。猶詩之託興於草木鳥獸乎。孫盛之謂弼宜哉。盛為象妙於見形論曰。聖人知觀器不足以動變。故表圓

應於著龜。圓應不可為典要。故寄妙運於六爻。六爻周流。惟化所適。雖一畫而吉凶並章。微一則失之矣。擬器託象而慶咎交著。繫器則失之矣。八卦者。圓化之彰迹也。天下者。寄見之一形也。圓影備未備之象。一形兼未形之形。故畫二儀之道。不與乾坤齊妙。風雨俱變。不與巽坎同體。嗚呼。不得稽殷與之談。必也孫安國乎。主卦各有主也。學者一榮主之於五。不知孔子魯逢掖。何乃為百代文教之主歟。紂商王曾不得以獨夫自全。其故何邪。七之初六。以責下賤。大得民。而九五也。其責施未光。謙之九三。勞謙君子。萬民服。而六五利用。侵伐。征不服。未果何在邪。豐之初九。遇其配主。九四遇其夷主。果以誰為主。程升之六四。玉用亨于岐山。既濟九三。高宗伐鬼方之類。則主之立象明矣。學者未之思乎。德夫卦辭變通。至於神而明之。存乎其人。亦以極矣。又乃言默而成之。不言而信。存乎德行。則易以德為尚也。乾之大無不周。其所稱者四德而已也。夫既以健順論乾坤。又言乾之德行常易。以知險。坤之德行常簡。以知阻。顧豈一德之云哉。學者於巽。知其入。而不知其出也。於艮。知其止。而不知其行也。於震。知其動。而不知其恐懼也。於兌。知其說。而不知其憂傷也。於坎。知其陷。而不知其為陰之中也。陰陽之所始也。陷不自陷也。於離。知其麗。而不知其

永樂大典卷三萬三千九

十

為陽之中也。陰陽之所終也。巽不自麗也。象於恒。言巽而動。於益。言動而巽。於咸。言止而說。不於損。言說而止。何邪。意自有所在也。學者論說止之德。於損。非聖人之意也。如為一之於德。則有泰而無否。常復而不剝。君子之道。未知或消。而小入之道。無自以長矣。嗚呼。學者於八卦。惟知一德。執一德。而不知屈伸。安用居觀其象。動觀其變。消息盈虛之尚乎。變智者。觀變於幾微之初。而昧者則不然。見雨施而知天之變物。感葉落而知物之變秋。亦晚矣。京房虞翻荀爽。蜀才之徒。嘗論易之變矣。不過謂泰否變而為咸。恒。咸。恒變而為損。益。坤之上六。下履乾三。乾之九三。上升坤六。而為損。乾之九三。下履坤初。坤之初六。上升乾四。而為益。坤之上六。未居乾之二。而為賁。之文剛。乾之九二。分居坤上。而為否。之文柔。如斯而已。焉安得六十四卦。所以四營十八變。參伍以變之法哉。嗚呼。易之變。苟如此。不其晚乎。至獨知賁有乾坤之變。而區區以情明爻變通。以辭明卦通。變。又何其晚邪。夫情之好惡。辭之險易。變之速也。非其迹之所以變也。變動以利言。吉凶以情遷。則將變而情亡矣。以言者尚其辭。以動者尚其變。則既變而辭亡矣。獨書未知思乎。孫盛誦獨以傳會之辯。利於浮美。至於六爻變化。群象所効。五氣相推。皆擯落多所不關。非詛也。今之學者。滔滔

永樂大典

卷二〇六四九

人皆窮之下走也。訓詁 古人之訓詁。雖一字而兼數用。至隋唐間。何安二劉。專好異務。華訓巧。而通使其意。散。兩字兩訓。而不得通。或者則又紛然。解刺。累數十言。而不能訓一字。畫蛇既成。紛然多足也。毫髮輕重。密於商君之治。秦。前人或不。容轉。喉矣。夫五經之訓。皆。縷而簡。唯易為甚。如豫六五。恒不死。象曰。中未亡也。艮六五。艮其象。象曰。止諸躬也。兌九四。之善有慶也。今人之辨。此六字。同異。學知之何哉。豫之九四。所謂朋盍簪。由漢以來。諸儒皆曰。簪。疾也。雖玉。獨不知。牛在古。非。稼穡之資。而及于簪。則一曰。疾也。至。侯果始有冠簪之訓。適契今日。穿窬之學。不知古者。禮冠。未。知有簪名也。若此者。甚衆。可勝言哉。又且古人之語。多。創。學者不可不知。必如今人之語法。請山海經之類。多所不。為其語多。創故也。况夫易之作於中古乎。坤初六。履霜。堅冰。至。象曰。馴致其道。至堅冰也。夫初九。壯于前趾。往不勝。為咎。象曰。不勝。而往。咎也。夫子順其辭。以告人如此。奈何。後之人。樂於穿窬。必為之辭。或。若夫文字。有科斗。籀。篆。隸。書。相。仍之。訛。舛。或其授受之不同。則具在別錄。羅必路史。發揮易之存。或曰。夫子以易象。象鳥三物。取名。義則然矣。敢問。聖人之意乎。曰。予不得而知也。贊者之言。可以一途。畫。而聖人之言。非可以一途。畫。雖然。請試為若。漫言易之說。

永樂大典卷萬六千九

十一

乾。鑿度曰。易者易也。不易也。變易也。夫易之道。廣矣。大矣。而乾坤以為首。乾中者。易之門也。昔者聖人體諸天地。先立乎其八卦。以為天地。日月陰陽鬼神。而六爻。為之六子。三才以二卦之畫。成六爻之位。而八卦之象著。生生之理具矣。畫始於一。立於兩。一奇象天。兩偶象地。是故奇畫成三。而為乾。偶畫成於三。而為坤。絲乾之畫。交於坤。而三男生。絲坤之畫。交於乾。而三女生。自主卦言之。一卦之中。八卦成具。是故卦體一立。而分陰分陽。四五以上。卦陽。而為天。初二三以下。卦陰。而為地。初三五之陽。為震。坎艮。二四上之。三陰。為巽。離兌。八卦成矣。初之與三。既以陽畫。始終而象震艮。又以二陰。而象坎離。有。不待夫與上。既以陰畫。始終而象離兌。又以二陰。而象坎離。周旋。酬酢。有。不待夫坤者。是故用數三百六十。乾全用。而坤全不用。卦變其始。爻變其次。倒卦不足。繼之。反類。反類不足。繼之。互體。而易道。辨矣。此所謂變易也。天有二正。地有四正。而共用二正。地有四正。而共用二十八變。以成六十四卦。是故小成之卦。正者四變。者二。而成六。大成之卦。正者八變。者二十八。而成三十有六。純陽卦。乾。純陰卦。坤。自一陽始。復而為卦。六。一陰始。而為卦。六。二陽始。臨而為卦。十五。二陰始。避而為卦。十五。三陰始。否泰而為卦。者。二十九。六十有四。陽自下以順生。則陰反。

上而逆後。陰自不以順生。則陽反上而逆後。始於乾坤。中於咸恒。而終於
 既未濟。又可得而變易哉。是所謂不易也。故曰易之為書也。不可遠。其為
 道也。屢遷。動變不居。周流六虛。上下无常。剛柔相易。是故易以變者占。而
 亦有不變之占。以變易為道。而亦有交易之道焉。陽畫為剛。陰畫為柔。外
 卦之畫來而居內。內卦之畫往而居外。而交易之理見矣。或順生以性。或
 逆反而來。或正以交索。或反動相對。而剛柔每兩相易。惟變適也。嗟夫。交
 易之道。平於日月之矣。月行于天三日而成震。初見于庚。故震納庚。八
 日而成兌。初見于丁。故兌納丁。十五日而成乾。乾納甲午十六日而成巽。
 始進于辛。故巽納辛。二十三日而成艮。艮退於丙。故艮納丙。三十日而成坤。
 坤納乙。而消息之道成矣。故曰日月為易。謂之日月。而於文正為勿。勿月
 彩之散者也。故月散於日下為易。散於日上為冒。相對為明。對而虧為
 助。易者。朔也。所謂朔易。言者晦也。明者望也。物有望而食者也。是故西曰
 助。谷。明。載。東南而朔。易二郡。乃俱著于東北。今春日往月來。月往日來。物
 之易也。寒往暑來。暑往寒來。時之易也。將旦忽曠。比夜忽起。行之易也。然
 則而意。寒刺而雨。氣之易也。暴石滂雨。積華交休。勢之易也。地化而龍。龍
 化而蛇。形之易也。魚羣而飛。鳥羣而沉。性之易也。積氣為子。游塊為變。精之

水樂大典卷萬言十九

十一

易也。始感而生。終化而死。神之易也。喜而禍伏。懼而福倚。事之易也。是故
 萬物不易不生。六子不易不成。艮兌以終相易。坎離以終相易。震巽以初
 相易。始則終。終則始。所以為不窮也。頤可一途畫哉。易內篇曰。日月相違
 為易。故病有陰陽。易者。乃大病之後交者。輒易男曰陰。易女曰陽。易易者
 三焦。輒死。跡此喻之。日月之交易。斯益灼矣。易曰。日月合為明。謂明者無
 踰於日月爾。然明非合也。嗚呼。安得史籍鍾雲房而與之論哉。述古篇今
 又與。曰。述。明易象象。易者。明象之書也。昔者聖人之作易也。順天下
 之故。窮造化之德。而其妙有不得而書傳者。於是儼之形容。近而身。遠而
 物。一皆取而寓之於象。以見焉。茲聖人之大惠也。子曰。八卦成列。象在其
 中矣。於三畫之未時也。固已有是象也。天地定位。山澤通氣。雷風相薄。水
 火不相射。此皆以象而告者也。是故八象立。而八卦之義見矣。非惟八卦。
 而六十有四。莫不皆有象也。澤中之大山。中之天。宜故為是兮哉。大腹白
 眼。參差。鬼。神。語。譬。淺。鄙。而取類甚大。蓋不求之顯。則幽不得而聞。不取之
 近。則遠无自而明。內外上不遠。近小大。是必交互。反錯。遞相映發。而後理
 无餘蘊也。抑又求三百八十四爻。一皆有象。而曰易。曰象。曰象。是亦一象
 也。易者。遠也。日月更遠而相質者也。遠也。度去匪遠而連焉者也。至於象

譽。齊治涕洟。歌號笑語。嗟嗟。威儀志意。通係闕時。突來焚并。靡不飾之。猶未離其類也。高宗文王。王母箕子。帝乙鬼方。同人弟子。康侯大君。士夫家人。元夫天師。夫子官人。考妣妻婦。壯耆羣醜。臣子童僕。主賓朋友。丈夫小子。女須姊妹。邑人行人。寇盜戎介。仇衆族類。史巫尚旅。武人惡人。夷主配主。金夫後夫。老妻女妻。不達大首。建侯行師。幽人丈人。錫命好爵。矢青驅田。戰征耕獲。憲涉弋獲。盟薦言禱。元望失律。南狩納約。以至帶足。然咏翰音。華華飛。踰躅角指。羽翼香臭。甘苦玄黃。朱白浮膏。公餘乾財。脂肉。飲食享飪。勿藥遇毒之類。一皆此配。曹無遺意。謂不如是。不足盡其意也。是以象立而卦明。象設而又顯。曹何疑滯之有。而代之學者。煩荒辭。溺章句。且不知易之為義。何錄而詣其情哉。雖然是特一象也。若夫龍。非惟乾也。而坤亦為龍馬。非惟坤也。而乾亦為馬。龍與馬。非惟乾與坤也。而坎震亦取象馬。是故觸類可為其象。合義可為其變。學者能因是以索之。則可以見義文之心。見義文之心。則能見天地之心矣。義文之心。即天地之心。而天地之心。即吾心也。見吾心。則見易矣。今也不因是以索之。徒觀代之人。執象以迷易。而咎伏羲之費畫。以為文王病。乃不先明於象象。而欲深求於易。此負笈者之妄人也。舍蹄而索兔。舍杭而窮海。古今豈有是哉。

永樂大典卷五萬六千九百十九

神而明之。則必有在矣。鄭熊厚二先生編數。龍馬負圖。戴九履一。左三右七。二與四為肩。六與八為足。五為腹心。是天地自然之數也。亦謂之九宮。縱橫皆十五數。總四十有五。休傳孔傳。謂龍馬出河。伏羲逆則其文以畫八卦。謂之河圖。大衍之數四十有九。分而為二。以象兩卦。一以象三。探之以四。以象四時。歸奇於扚。以象閏。五歲再閏。故再扚而後掛。是故四營而成易。十有八變而成卦。八卦而小成。演而伸之。觸類而長之。天下之能事畢矣。或者六十四卦在其中矣。天數二十有五。地數三十。凡天地之數五十有五。而大衍之數五十。其用四十有九。是於天地之數既減其五。又虛其一何也。鄭康成云。天地之數五十有五。以五行之氣通於萬物。故減五。大衍又減一。故四十有九。故嘗為之說曰。天一下降與地六合。而生水於北。地二上駕與天七合。而生火於南。天三左旋與地八合。而生木於東。地四右轉與天九合。而生金於西。天五冥運與地十合。而生土於中。以奇生者成。以耦生者成。以奇天陽也。故其數奇。地陰也。故其數耦。奇耦相合。而五十有五之數備。大衍之數減其五。五行之用也。虛其一者。元氣之本也。地陰道過云。天地之數五十有五者。其六以象六畫之數。故減之。而其用四十有九。易之遺書。差若毫釐。謬以千里。經解以為易。引為運

永樂大典

卷二〇六四九

東本州皆云。而易則无之。同復于父。故如君所。左氏以為易而易則无之。正其本。萬事理。杜欽以為易而易則无之。九變復貫。知言之選。武帝以為易而易則无之。按顏師古注。司馬傳。若夫聖人之言。引蒙駟言无。乃亦猶是也。漢儒明經。執易緯以為經。豈不謬哉。嘗觀左氏所載占筮之辭。此類甚多。竊意其謂易以為特卜筮之流。決其所占。否則連山歸藏。如今不同。故繫以為經。漢焦贛作易林。如乾之九三。則曰道涉多岐。故言迷蹇。亦猶是也。諸儒重卦之說。王弼以為空義。鄭玄以為神農。孫盛以為夏禹。史遷以為文王。以經考之。隨之上九曰。王用亨於岐山。明夷之六五曰。箕子利正。皆商周時事。然則以為神農伏羲夏禹。皆非也。或以為文王武王時始述。此已言王。必非文王時重。然則爻辭。孰作之歟。宣子適魯。見易象而言曰。吾今乃知周公之德與。周之所以王也。是爻辭。意亦周公作也。然此之論易者。以為人更三聖。謂伏羲文王孔子。而不數周公。蓋父統子業也。此說始見孔頴達正義。孔頴達韓宣子之言。以驗曰。卦辭文王。爻辭周公。馬融陸績。並同此說。今依用之。觀太卜掌三易之法。其經卦皆八。其別皆六十四。則六十四之體。已具矣。孔頴達正義云。重卦之人。諸儒不同。凡有四說。王輔嗣以為伏羲。鄭玄以為神農。孫盛以為夏禹。史遷

永樂大典卷二萬零四十九

十五

以為文王。其言尚及文王者。按繫辭神農時已有取諸益與噬嗑。以此論之。不攻而破。其言神農亦未為得易緯數。三聖但云伏羲文王孔子。不及神農。時神農見取諸益。不重卦矣。今依王輔嗣以伏羲既畫八卦。即自重於六十四。為得其寶。孔子象象用夏正。或曰易象。非孔子作也。雷在地中復。先王以至日閉關。商旅不行。后不省方。考之夏小正。十一月萬物不通。則至日閉關。后不省方。夏之制也。周制以十一月北巡狩。至於北岳矣。恐大象非孔子作。殊不知周正雖建子。而孔子象象皆建寅。故以復為十一月。適為五月。此正孔子行夏時也。文言。穆姜襄公九年。占有文言之辭。襄公二十二年。孔子生下。距穆姜十四年。穆姜之時。已誦隨繇之辭。因取乾卦文言。然其言與今易稍異。穆姜之言曰。元體之長也。亨嘉之會也。利義之和也。貞事之幹也。體仁足以長人。嘉會足以合禮。利物足以和義。貞固足以幹事。以今易考之。則改者二。增益者六。則古以有是言。孔子特文之爾。它卦象象而已。獨乾坤更設文言。以發其義。川。易學。京房之學。專守名教。王弼之學。高談理致。繫辭文言序卦。或以為非孔子作。其間每更一事。必稱子曰。若夫子自作。不應自稱子曰。歐公亦以為然。唐僧一行易纂。引益喜序卦爻辭與今易不同。然則今之序卦等。恐非夫

子全文。或出於
經師未可知也。

永樂大典卷之二萬六百四十九

永樂大典卷之二萬六百四十九

去

重錄總校官侍郎 陳以勳

學士 王大臣

分校官中 花 臣 胡 杰

書寫士 員 臣 汪增光

圖照監 士 臣 馬承志

臣 吳 敏

永樂大典

卷二〇八五〇

永樂大典卷之二萬八百五十

二質

○檄

洪武正韻刑狄切說文以木簡為書長尺二寸以號召也後漢紀為封長檄猶今長牒也魏武帝奏事曰若有急則揮雜羽謂之羽檄言如飛之疾也詳俱說文檄二尺書以木敷聲胡狄切徐鉉通釋按檄檄兵之書也漢高祖曰吾以羽檄徵天下兵有急則揮以羽也顏狄切爾雅無枝為檄則易疏釋曰此即上文稱檄也檄則檄也謂木無枝檄檄上上木而取也劉熙釋名檄也下官所以激迎其上之書文也顏野王玉篇戶狄切符檄郭忠恕佩觿集檄檄上上益翻出莊子下胡亦翻羽檄吳越韻補叶音美約切郭璞案蜂賦誅戮峻於鐵鉞招檄連于羽檄集不謀而固期動不妄而齊約揮行均龍龜手鑑祭三檄今檄又苦弔反旁擊也揚桓六書統臣母韻延年檄能忠韻會舉要羽濁音二曰陳彼之惡說此之德曉慰百姓之書二曰皎也明言此使令皎然而識也司馬相如有論已蜀檄趙譚聲音文字通檄又借運實作款非爾雅酌較俗字韻會定正臣重切喻告之書字 篆 檄 說文見杜以古 隸 徐鉉人韻 六書 切臣重臣形質檄 書 檄 篆 檄 隸 檄 篆 檄 隸 檄

永樂大典卷二萬八百五十

檄

六書真

檄

虞世草

檄

章

檄

並扶

檄

鮮于

總叙

劉熙釋文檄激也下官所以激迎其上之書文也司馬長卿喻已蜀檄注李周翰曰檄皎也喻彼皎然知我情也周穆王今祭公馬詞以責狄人之情此檄之始也蘇鶚演義檄者吉誓之源史記注晉檄者皎也辭理皎然今知我意非也顏思古注急就篇曰以木為書長三尺曰檄檄者激也以詞旨慷慨發動之意又曰檄激也陳琳檄魏武帝祖君步檄隋煬帝皆此類焉戰國策曰張儀檄楚而始得名宋歐陽公集與陳負外書古之書具惟有鉛刀竹木而削札為刺止於達名姓惟有官府吏曹凡公之事上而下者則曰符曰檄珊瑚鈞詩詔檄者激發人心而喻之禍福也太平御覽周穆王西征祭公謀父稱古有威讓之令有文誥之詞即檄之本源也及春秋征伐自諸侯出懼敵不服故兵出須名據此威風曝彼昏亂劉獻公所謂告之以文詞董之以武師者齊桓征楚詰莒莒之闕晉厲伐秦責箕部之焚管仲呂相奉祠先路詳其意義即今之檄也暨乎戰國始稱為檄檄者皎也宣布於外皎然明白也張儀楚書以尺二明白之文或稱露布夫兵以定亂莫敢自專天子親戎稱恭行天罰諸侯

公馬詞以責狄人之情此檄之始也蘇鶚演義檄者吉誓之源史記注晉檄者皎也辭理皎然今知我意非也顏思古注急就篇曰以木為書長三尺曰檄檄者激也以詞旨慷慨發動之意又曰檄激也陳琳檄魏武帝祖君步檄隋煬帝皆此類焉戰國策曰張儀檄楚而始得名宋歐陽公集與陳負外書古之書具惟有鉛刀竹木而削札為刺止於達名姓惟有官府吏曹凡公之事上而下者則曰符曰檄珊瑚鈞詩詔檄者激發人心而喻之禍福也太平御覽周穆王西征祭公謀父稱古有威讓之令有文誥之詞即檄之本源也及春秋征伐自諸侯出懼敵不服故兵出須名據此威風曝彼昏亂劉獻公所謂告之以文詞董之以武師者齊桓征楚詰莒莒之闕晉厲伐秦責箕部之焚管仲呂相奉祠先路詳其意義即今之檄也暨乎戰國始稱為檄檄者皎也宣布於外皎然明白也張儀楚書以尺二明白之文或稱露布夫兵以定亂莫敢自專天子親戎稱恭行天罰諸侯

永樂大典

卷二〇八五〇

御師則云肅將王誅。故分間推敎。奉詞伐罪。非唯致果為效。抑亦屬詞為武。使聲如衝風所擊。氣似捷捨所揮。奮其武怒。總其罪人。微其志。總之時顯其貫盈之數。拙姦克之膽。訂信順之心。使百尺之衝。摧折於咫尺。萬雉之城。顛墜于一檄者也。觀隗囂之檄。丘新布其三逆。文不調飾。而意切事明。隴右支得檄之士。侍檄之體也。陳琳之檄。壯於骨。雖姦閹誘養。章實太甚。發丘稜金。經過其官。然抗詞書檄。曠然暴露。鍾會檄蜀。微驗甚明。桓溫檄胡。觀囊尤切。並壯筆也。凡檄之大體。或述休明。或叙否利。指天時。當人事。驗強弱。用權勢。標著過於前驗。懸筆鑑於已然。雖本國信實。參兵詐誦。說以馳音。輝輝以騰說。凡此哀作。莫之或違者也。故其植義。勵詞。務在剛健。揮羽以示迅。不可使辭緩。露板以宣哀。不可使義隱。必事昭而理辨。氣威而詞斷。此其要也。若曲趣。密巧。無所取才矣。玉海檄軍書也。東萊先生曰。晉侯使呂相絕秦。檄書始於此。然春秋之世。鄭子家使執詁與書以告趙宣子。晉之邊吏。貢鄭王使詹伯辭於晉王。子朝使告諸侯。皆未有檄之名。戰國時張儀為檄告楚相。其名始見。晉什連為書約天。責無所。秦什化移檄。則通說冠陽今日。傳檄而千里定。韓信曰。三秦可傳檄而定。李左車曰。秦咫尺之書。自相如之後。檄書見史策者。不可勝記。楊雄曰。軍旅

永樂大典卷二萬八百五十一

二

之際。飛書馳檄。用技華謂其文敏速也。唐以前不用四六。周益公擬漢河西大將軍諭隗囂。倪正文擬晉齊威將軍豫州刺史諭中原豪傑。皆用四六。然散文為侍體。如東萊漢文喻莎車諸國是也。東萊先生曰。檄書頭說。某官告某將士。蓋開說討賊揚揚之意。說一段。云云。惟爾某處將士。託馬賊拘會而不能自降。及略說賊之罪。摹府。說受命討賊中兵之威。敘當時形勢。賊將欲滅須自降。至上。說有過人大度之意。開其自新之路。末以歸附。則有厚賞。恬終則有顯戮。自擇禍福結之。末云。凡所以資料。其如今。周益公擬謝靈運檄云。昔吳首敘忠。世裂長沙之壤。田橫已命。身貼海島之羞。顧逆順之均分。惟智惠之當擇。西山先生曰。檄。露布。乃軍中文字。檄貴鋪陳利害。感動人意。所業檄題。欲出唐大將軍河南招討使傳州縣檄題。出夏侯端傳。乃高祖創業之初。非因兵興盜起。稍覺氣象佳。但所疑者一懸字耳。漢以前無檄。六朝以前未有露布。編題之初。須要如此。漢檄不須六四。如司馬相如喻蜀檄之類。漢無四六之文故也。晉檄。亦用散文。如東萊代蜀檄之類。隋唐以宋方用四六。如杜若房駁黃王檄。郭毗檄蕭瑄。李光曰。檄不切厲。則敵心陵。言不誇壯。則軍容弱。唐說齋擬檄題。居遠東道大總管高麗首領郭崇。出缺。招撫使謝承先。石向平。月長。文石。白

初遷校書郎兼太常修撰遂為太常博士淮
南兵興元宗召見賜金綦使典戎府書檄

河間王孝恭平荆州以文本為
別駕從擊輔公柘專典符檄

脯糖蟹車螯如何嗣極侈於味去其甚者猶且鮑脯糖蟹使門人議之鍾
瓠曰鮑之就脯蟹於屈伸蟹之於糖蹂提預甚仁人用意深懷如但至於

車螯蚶蠣眉目內關擴設外賊無香無臭與无礫何異宜克庖厨永為口
實齋之視君舉蓋無以優劣也宋景文公紀華詩宜又滿庭其可李鍾此

此類更無米其視所謂赤米白鹽野菜
茶蓼春初早韭秋末晚菘萬萬不伴矣

皆不得長吏自繫書言府賊曹掾史自白請至姑蘇事留不出功曹諸掾
即皆自白復不出於是府丞詣閣博地見丞掾曰以為縣自有長吏府未

嘗與也丞掾謂府富與之邪閣下書佐入博口占檄文曰府告姑蘇令丞
言賊發不得有書檄到令丞就職游獵王卿刀有餘如律令陳書顧野毛

博識洽聞侯景之寇郡將朱君正舉兵赴援支檄皆以委之口占便就未
嘗立草唐書李夷簡傳元和中夷簡帥南西川萬州刺史王願積好鱸屬

永樂大典卷二萬八百五十

四

蠻怒畔去夷簡逐顯占

草檄

商史江淹傳齊高帝江淹為參軍詔令
草檄未就齊相引淹賜之酒淹喜飲噉

總矣去盡進酒數斗文語亦辨北史魏收傳侯景叛入梁寇南境文襄時
在晉陽令收為檄五十餘紙不日而就又檄梁朝令送侯景初夜執筆三

更便了文過七紙文襄喜之新唐書孔述睿傳高祖德紹事實建德嘗草
檄毀薄太宗賊平執登汜水樓責曰爾以檄誘我云何對曰大吹非其主

帝怒曰賊乃主耶命壯士卒填樓下新唐書李密傳祖君秀博學強記屬
辭膽速負其才帝嘗驚思亂及為密草檄乃深斥主闕密敗王世克見之

曰汝為賊為爾足本君秀曰駭客可使判由但愧不至耳世克令撲之既
因卧樹下世克已自欲盜隋中海命醫許惠照往視之欲其蘇即將王拔

柱曰弄筆生有餘罪乃變其心即死幾尸於僊師唐書元萬頃傳乾封元
年十二月已酉李勣率兵伐高麗萬頃從筆書記使草檄責之五代史廣

南西路轉運使諭交州檄太平興國五年交州丁璿劫大校黎桓奪制
七月侯仁寶討之六年三月賊詐降仁寶被害轉運使許仲宣草檄諭交

州明國威信期必再舉桓懼遣使人貢虞允文宣撫川陝辟王質偕行
一日命草檄契丹文援毫立就辭氣激壯允文起執其手曰景文天才也

實錄嶺南轉運使諭交州梁帥檄 許仲宣為轉運使。會征交州，師不習水土，以便宜罷其軍。分屯諸郡。太宗嘉之，仲宣遂草檄以諭交州梁帥。即送款內附，遣使借貢。宋史張嶧傳，嶧司勳，負外郎，無實錄院檢討官。金人叛盟，上命兩省御史監郎曹各草檄以進，獨取嶧所進者，播之四方。蘇易簡草檄，陳書，景歷，陳武帝聞其名，以書要之，景歷對使人答書，景歷不傳，後李記室，武帝將討王僧辯，獨與侯安都等謀，景歷不知，部分既畢，召令草檄，援筆立成，辭義感激。為檄 漢書申屠嘉為丞相，鄧通在上旁怠慢，嘉奏事，因可以不肅，上曰：君勿言吾私之寵，朝嘉為檄召通曰：不來且斬，通恐又言於上，上曰：速往，吾今召汝，通至丞相府，免冠徒跣頓首謝嘉，嘉不為禮，責曰：朝廷者高帝朝廷也，通小臣戲殿上，大不敬，當斬決，初史令行斬之，通頓首血出，不解文帝度嘉已困，通持節召通而謝嘉曰：此吾弄臣，君釋之，晉書元帝遣楊威將軍甘卓建威將軍敦送，攻周護于壽春，安豐太守孫惠卿來應之，使謝檢為檄擒護之，故將護見檄流涕曰：必謝檢之辭檢聞之，遂毀羊句日護來潰。

作檄

北堂書鈔晉中興書云：應璩連南平太守永嘉五日護來潰。年洛陽傾覆王澄不遣軍。瞻懷袂流涕。顧陳大義。

永樂大典卷二萬八百五

五

澄今作檄下筆即成。辭既壯麗。見者咸以是稱之。太平御覽梁書曰：元帝擒宋子仙及丁和送之江陵。並下于獄。子仙檄湘東曰：既瞻且愧。身身伊何。即書記沈炯之文也。有司焚毀湘東弗知。僧辯購炯獲之。酬錢十萬。炯既不敢謁見。遂詣事于僧辯。自此軍書咸出于炯。又曰：傅玉洛陽人之學通周易。嘗在淮陽賦詩曰：半明曉戰鼓。薄暮收存亡。楚漢方能明。秦關障未央。既至江陵。繫之于獄。以詩贈湘東。雙人曰：趙壹能為賦。鄒陽解獻書。何惜西江水。不救轍中魚。又上五十韻詩以希不死。湘東愛其詞翰。猶欲未誅。左右嫉之。乃曰：傅前作檄。文言湘東不願湘東。取視其檄云：頃羽重傳。尚有烏江之敗。湘東一目寧為赤縣所歸。湘東大怒。釘其舌於柱。刺其刺。抽其腸。出乃斬之。北史顏川荀濟初與梁武布衣交。知梁武當王。燕負氣不厭。嘗謂人曰：大丈夫會於楯上。磨墨作檄文也。或稱其才於梁武。梁武曰：此人好亂者也。舊唐書郭正一傳：李勣征高麗。嘗令元萬頃作文。檄高麗。其語有譏高麗不知守鴨綠之險。莫離支報云：謹聞命矣。遂移兵固守鴨綠。官軍不得入。萬頃坐是流嶺外。後會故得還。傳檄 史記高祖紀：韓信拜大將軍。乃謂帝曰：三秦王詐其衆降。諸侯項王坑秦降卒二十餘萬人。惟邯欣尉三人得脫。秦父兄怨此三人痛入骨髓。淮陰

永樂大典

卷二〇八五〇

侯韓信曰大王之入武關。秋毫無所言。索隱曰。按秋毫無言。秋乃成。王遂注。莫謂之。此也。夏。漢。秋。主之。除秦苛法。與秦民約法三年。秦民無不欣得。大王王秦者。於諸侯之約。大王於王關中。關中民咸知之。大王夫職入漢中。秦民無不恨者。今大王舉而東。三秦可傳檄而定也。索隱曰。按此云。檄二尺書也。此云傳檄。謂為檄書。以責所伐者。陳餘傳。武信君引兵擊范陽。范陽令乃使蒯通見武信君曰。天下必將我勝。然後舉地。攻得。然後下城。臣竊以為過矣。誠聽臣之計。可不攻而降城。不戰而略地。傳檄而千里定。可乎。東漢書。耿弇傳。時元武居鄆。鄆官。晝卧。温明。弇。奔入。造林下。聞。因說曰。今更始失政。諸將擅命於畿內。黃威。橫於都內。所在牧守。輒自遷易。百姓不知所從。士人莫敢自安。其敗不久。公首事南陽。以百萬之軍。今定河北。北據天府之地。以義征伐。發號。響應。天下可傳檄而定。元武大悅。乃拜弇為大將軍。劉表傳。初平元年。表為刺史。時宗賊。盛。兼。制。阻兵。屯。魯陽。蒯。越。曰。威。德。既。行。兵。果。眾。附。南。據。江。陵。北。守。襄。陽。荆。等。八。郡。可。傳。檄。而。定。續。後。漢。書。孫。韶。傳。韶。年。十。七。牧。伯。父。河。餘。奉。檄。治。京。城。起。樓。櫓。修。器。備。以。禦。敵。權。引。軍。歸。長。夜。至。京。城。下。營。試。攻。警。之。兵。皆。未。城。傳。檄。備。警。歡。喜。動。地。頗。射。外。人。權。使。曉。諭。乃。止。新。唐。書。王。勳。傳。駱。賓。王。素。官。

永樂大典卷二〇八五〇

六

去徐敬業亂。署賓王為府屬。為敬業傳檄天下。斥武后罪。后讀但啼哭。至一枉之士。未乾六尺之狐。安在。斐然曰。誰為之。或以賓王對。后曰。宰相安得夫此人。敬業敗。賓王不知所之。資治通鑑。唐僖宗中和元年。奉天鎮使齊克儉遣使詣鄭畋。求自效。甲子。畋傳檄天下。藩鎮。合兵討賊。時天子在蜀。詔令不通。天下謂朝廷不能復振。及得畋檄。爭發兵應之。賊懼不敢復窺京西。唐書。李巨川為華州。李書記時。李茂真犯京師。天子駐蹕於華。韓建以一州之力。伊德萬乘。慮其不濟。遣巨川傳檄天下。請助轉餉。同力王室。完葺京城。四方書檄。酬執。福。湊。巨川。灑。翰。陳。叙。文。理。俱。備。昭。示。深。重。之。時。巨川之名。聞於天下。唐書。夏侯端傳。李宥之降。關東地未有所屬。端清節。招。諭。乃。拜。大。將。軍。河。南。招。慰。使。傳。檄。州。縣。東。薄。海。南。接。淮。二。十。餘。州。皆。順。附。顏。果。卿。傳。安。祿。山。反。時。果。卿。在。平。原。起。兵。討。賊。既。擒。將。高。邈。等。送。京。師。即。傳。檄。河。北。言。王。師。二。十。餘。萬。入。土。門。復。遣。郭。仲。雍。領。百。騎。為。先。鋒。馳。而。南。望。謂。大。將。軍。至。日。中。傳。數。百。里。賊。方。圖。饒。陽。奔。甲。走。移檄 史記。南越傳。秦二世。南海尉任。即被佗書。行南海尉事。竟死。佗即移檄。告。橫。浦。陽。山。湟。谿。關。曰。盜。兵。且。至。急。絕。道。聚。兵。自。守。太。平。御。覽。張。軌。為。涼。州。刺。史。時。晉。昌。張。越。梁。州。大。族。檄。

言張氏霸涼自以才力應之。越初為梁州刺史。而志在涼州。遂託病歸河
 西。陰謀伐魏。乃遣兄鎮。及曹祛。趙佩。移檄廢魏。魏遣主簿來詣關。將歸
 宜陽。長史王融。參軍孟暢。踰折鎮。排關入諫。魏然從之。東漢書。取恭
 為戊。已校尉。移檄為孫。示漢威德。大昆彌。已下皆喜。遣使獻名馬。李
 固傳。固為荊州刺史時。上奏南陽太守高賜等。賊檄賜等。懼罪。遂共重
 路。大將軍梁冀。為千里移檄。而固持之愈急。冀遂令固徙為太山太守。十
 日。移檄者。言一日行千里。故之也。新唐書。王弘義傳。王弘義以飛變。連
 在臺侍御史。每移檄州縣。所至震懼。之古切。惟也。弘義。既說。王弘義。以
 曰。我文檄。如狼毒野葛矣。張士貴傳。士貴。隋大索。未起。為盜。吹刺。城邑。高
 祖。移檄。招之。即降。宋史。慶曆中。歐希範。誘溪洞。聚蠻人。叛。上以白諭。習。南。方
 事。除轉運。許便。宜。行。事。諭。移。檄。屬。郡。恭。土
 人。趙。俾。敢。戰。者。甚。衆。又。轉。果。以。守。要。害。
 馳檄
 西京雜記。枚舉。文。思。敏。捷。吳。卿。淹。運。揚。雄
 曰。軍。旅。之。際。戎。馬。之。閒。飛。書。馳。檄。用。枚。舉。廟。堂。之。中。朝廷。之。上。高。文。大。府
 用。相。如。皆。一。時。之。譽。而。長。卿。首。尾。溫。麗。枚。舉。時。有。異。句。故。知。疾。行。無。善。道
 也。使。漢。書。孔。融。傳。時。黃。巾。寇。數。州。北海。最。為。賊。衝。董。卓。誣。三。府。同。舉。融。為
 北海。相。融。到。郡。拔。合。士。民。練。兵。講。武。馳。檄。州。郡。唐。書。馮。元。常。傳。安。南。首。領

永樂大典卷三萬八百五十一

七

李嗣仙。殺都護。劫州縣。詔元常討之。乃先馳檄示禍福。賊黨多降。晉書。馮
 雄。長沙人也。為春陵令。刺史魏王承。既拒王。將謀起兵。以赴朝廷。雄承
 符。馳。檄。遠。近。列。王。殺。罪。西。城。陷。為。其。所。虜。意。氣。慷慨。神色。無。作。送到。武昌。
 致。遣。人。持。檄。見。雄。而。數。之。雄。曰。此。實。有。之。惜。雄。位。微。力。鈞。不能。救。國。之。難。
 王。軍。如。燬。安。用。生。焉。今日。即。戮。待。作。忠。鬼。乃。所。願。也。數。憚。其。辭。正。釋。之。榮
 人。皆。賀。雄。笑。曰。昨夜。夢。乘。車。掛。肉。其。傍。夫。肉。必有。筋。筋。者。斤。也。車。傍。有。斤。
 吾。其。戮。乎。尋。而。就。遣。殺。露檄
 晉書。甘。卓。傳。湘。州。刺。史。魏。王。承。遣。主。簿
 之。當。時。見。者。無。不。傷。惋。鄧。騫。說。卓。以。義。兵。勤。王。室。卓。乃。與。已。東
 將軍。柳。純。南。平。太。守。夏。侯。承。宜。都。太。守。譚。該。等。十。餘
 人。俱。露。檄。遠。近。陳。敦。肆。逆。率。所。統。致。討。焉。并。人。傳
 飛檄
 唐書。裴。寂
 年。留。撫。河。東。飛。檄。郡。縣。促。入。營。壘。相。保。唐。實。錄。長。慶。元。年。八。月。以。鎮。州。殺
 節。度。使。弘。正。下。詔。曰。泉。音。木。革。狼。顧。猶。存。忠。害。忠。良。恣。為。殘。賊。毀。舟。楫。於
 鯢。鯨。暗。腹。猛。於。蛇。豕。人。神。共。憤。卿。士。叶。謀。咸。願。誅。夷。用。伸。冤。痛。尚。念。一。軍
 之中。豈。無。長。勇。倉。卒。變。動。必。非。衆。謀。苟。得。其。魁。餘。孽。何。罪。宜。令。魏。博。等。軍
 各。出。全。軍。以。臨。界。首。仍。各。飛。書。檄。其
 騰檄
 唐書。河。間。王。孝。恭。傳。高。祖
 諭。朝。旨。聞。逆。復。之。門。廣。自。新。之。路。

大使徇巴蜀下三十餘州進擊夫
擊破之由已騰檄遠近所致檄下
慘檄 唐書溫庭皓傳龍助反以月
有庭皓使為表答曰我豈以

筆視事汝耶且速殺我助孰視笑曰儒生有
膽邪吾動衆百萬寧無一人慘檄乎因之
被檄 朝野類要帥撫慰
司州郡選有官或

待闕人攝職謂之權局
本官自謂之被檄是也
陳琳草檄 續後漢書陳琳傳琳為曹操
作檄草呈太祖太祖先苦頭

風是日疾發卧讀琳所作檄翕然而起曰此能愈疾病也及平鄴謂琳曰
卿昔為本初作檄書但可罪狀孤而已何乃上及父祖而琳曰天在弦

上不可不發太祖
愛其才遂捨之
一日百檄 東觀漢記光武數召諸將置酒賜
坐席之間以要其死力當此之時

賊檄日以百數要不可
勝上猶以餘閒講經藝
毛義奉檄 聖賢言行故事後漢盧江毛
義少清節家世以孝行稱侯

奉慕其名往候之坐定而府檄適至以義守令其時義為安陽尉府檄到
升為守令義奉檄而入喜動顏色奉心賤之及義母死去官行服後舉賢

良公車徵不至奉歎曰賢者固不可測往日之喜乃為親屈也斯蓋所謂
家貧親老不擇而仕者也章帝建初中下詔褒寵賜谷千斛常以八月長

永樂大典卷二萬八百五十八

吏問起居加賜
羊酒壽終于家
心耻奉檄 北堂書鈔後漢謝承字君長會稽
山陰今少常為縣吏奉檄送督印承

心耻斯後遂乘車馬到健馬詣杜撫受詩宋景文策奉檄漢上和兄長
廷評喜于邂逅 彌年賓客嘆離居始得還家奉板輿出沐恩深湯巾纈

杖文官冷字成魚三杯殊素馨屠切百末凝醅獻壽餘糧鑽空名堪自笑又
隨軺馬趣移書漫游集奉檄南遊慮百端遠期辛苦換微官方言異俗初

難解白日青天正一般晝暖霧消山隱隱夜寒風起海漫漫朱顏莫向愁
中改要着班衣奉母催竹溪陳夢庚詩 日月孔兼孟塵埃申與韓合於

三尺法行矣一分寬大傘不遮熱水壺獨枕寒平反了無幾足跡略高書
江湖後集史術卿林檎家山 問居愧未能淮頓冷於水家檄官無俸山

吟客有僧池荒眠鷺石樹折欽猿藤寒落誰相問狐明雨夜燈曹彦約昌
谷某揚伯洪風有經濟心捧蜀餉之檄議經費於元範其行甚勇使道

不郵尚能訪死生於湖莊袖出古體詩八章格高不可及又見示總郎諸
文所作送行篇意可見也託臭味不薄不敢以不能為解勉賦五十六字以見

鄙誠可資一笑嘉定癸未春分後一日扁舟下峽七經年猶憶西民
因備遺已病一天空有議誤謀元帥本非財公剗慮蜀天帝近之手憂

時火未燃。遇合却留。經濟用。此行應不媿。登仙韓流。潤泉集。劉簿微。自安仁。回泊天寧。玉石村前。捧檄來。冰溪漢。蘭若小徘徊。因僧定。可了禪。况與俗。何能事。惟懷秋。到山林。風未脫。涼生絳。綵雨。須催。送知有。句曾吟。不想象。章泉更樂哉。

曹寅詐檄

續後漢書孫堅

傳荊州刺史王叡。先與堅共擊零桂賊。以堅武官。言頗輕之。及叡舉兵。欲討卓。素與武陵太守曹寅不相能。言當先殺寅。寅懼詐作檄。行使故光祿大夫温。殺檄移堅。說叡罪過。令收行刑。訖以狀上。堅來檄。即勒兵襲叡。叡以兵至。登樓遙問。欲何為。堅前使答曰。兵久戰勞苦。欲詣使乞贖。直爾。叡曰。刺史豈有所吝。使問庫藏。使自入視之。知有所遺。不進。及下樓。叡見堅。驚曰。兵自受賞。孫府君何以在其中。堅曰。被使故。檄誅君。叡曰。我何罪。堅曰。坐無所知。叡窮迫。刮金飲之。而死。

封胡降檄

東漢書鮑昱傳。中元元年。拜司徒。校尉。詔昱詣尚書。使封胡降檄。

功曹懷檄

西漢侍中陳寔傳。中常侍侯覽。託潁川太守高倫用吏。倫教署為文學掾。功曹

登屏窺檄

劉女家求晉何

永樂大典卷二萬八百一

九

無忌母劉氏。弟半之。為桓玄所害。劉氏每銜之。及無忌與劉裕定謀。夜於屏風裏刺檄文。劉氏潛以器覆燭。登於屏風上。窺之。既知而泣曰。我不如東海呂母明矣。既孤其誠。常恐壽促。汝能如此。吾無雪恥矣。

以半紙檄

梁書蕭鏡曰。吾先人國于此。若狗其情。後

梁祚。因以半紙檄。劉訥掛檄。南史劉訥傳。刺史張穆。辟訥為主。召群盜。誰敢不從。

監軍別檄

新唐書鄭珣瑜列傳。珣瑜鄭州榮澤人。為河南尹。時韓全義將兵伐蔡。全義與監軍別檄。有所取。非詔者

珣瑜。輒挂壁不許。至軍罷。凡數百封。有諫者曰。軍須期會。為急。公可不報。珣瑜曰。武王統戎。多恃以取。求。以馬罪。尹宜生之。終不為萬人產。冷也。

文昌下檄

唐書段文昌傳。太和四年。以檢校左僕射。時京師。時南詔相襲。帝以文昌得靈。爽心。詔使

下檄。慰責。即日解去。弘宣下檄。唐書盧弘宣傳。拜東川節度。時歲飢。盜結。酋豪自王。繼。遂。瀘嘉。榮。諸州。誅蠻落。強亂。

弘宣下檄。有駐馬成檄。唐書房玄齡傳。玄齡在秦府十年。常典。諭。賊黨多降。駐馬成檄。或駐馬立成。文約理。

蓋初不舉

為鬪雞檄

唐書王勃傳。沛王聞其名。召署府。時諸王開

構斥

留囊中檄

蘇邦和季翰家。唐楊再思。第明經。初調元

盜窟。謝再思曰。而苦貧。至于囊中。檄無所事。幸留他物可持去。

馬上為檄

唐書薛收傳。收為記

郎中。時方討王世充。收為書檄。露布。或為上占辭。皆如風播。

詩文

唐書元龜。曹仲達遺燕將文。曹仲達。齊人也。好奇偉。傲儻之

故歸。齊軍攻聊城。日。曹仲達。乃為書約之。天以射城中。遺燕將書曰。吾聞之。智者不弄時而背利。勇士不怯死而滅名。忠臣不先身而後君。今公行一朝之忿。不顧燕王之元臣。非忠也。殺身忘聊城。而威不信於齊。非勇也。功敗名滅。後世無稱焉。非智也。三者世主不臣。說士不戴。故智者不再計。勇士不怯死。今死生榮辱。貴賤尊卑。此時不再至。願公詳計。而無與俗同。且楚攻

永樂大典卷二〇八五〇

十

齊之南陽。魏攻平陸。而齊無南面之心。以為正南陽之宮小。不如得濟北之利大。改定計。當處之。今秦人下兵。魏不敢東面。衡秦之勢。成楚國之形。危齊秦南陽。斷右壤。定濟北。計猶且為之也。且夫齊之必決於聊城。公勿再計。今楚魏交迭於齊。而燕救不至。以全齊之兵。無天下之規。與聊城共據。期年之故。則臣見公之不能待也。且燕國大亂。君臣失計。上下迷惑。果腹以十萬之衆。五折於外。七十士。六十士。以萬乘之國。被圍於趙。壤則主困。為天下僇。史國敵而禍多。民無所歸心。今公又以故聊之民。距全齊之兵。是墨翟之守也。食人炊骨。丁無反外之心。是孫臏之兵也。能見於天下。雖然。為公計者。不如全車甲以報于燕。車甲全而歸燕。燕王必喜。身全而歸於國。士民如見父母。交游探臂。而議於世。功業可明。上輔孤主。以制群臣。下養百姓。以資說士。矯國更俗。功名可立也。亡意亦指燕秦世。東游於齊。子。裂地定封。富比于陶衛。世世稱孤。與齊久存。又一計也。此兩計者。顯名厚實也。願公詳計。而當處一焉。且吾聞之。規小節者。不能成。聚名。悉小壯者。不能立大功。昔者管夷吾射桓公。中其鈞。暴也。遺公子糾。不能死。怯也。東帶徑。辱也。若此三行者。世主不臣。而鄉里不通。鄉使管子幽囚。而不出。身死而不反於齊。則亦名不克焉。辱人賤行矣。城復且產與之同。

名矣。才古曰。荆淮海岱。然齊之間。寫秋曰。寫坤曰。况世俗子。故管子
 不耻身在螺繼之中。而耻天下之不治。不耻不死公子糾。而耻威之不倍
 於諸侯。故無三行之過。而為五割首。名高天下。而老嫗隣國。曹子為魯將
 三戰三北。而亡地五百里。卿使曹子計不及顧。議不遲。雖則頭而死。則亦
 名不克為敗軍擒將矣。曹素三北之耻。而逃與曹君計。桓公朝天下會諸
 侯。曹子以一劍之任。拔桓公之心。於壇坫之上。顏色不變。辭氣不悖。三戰
 之所亡。一朝而復之。天下震動。諸侯驚駭。咸加兵越。若此。二士者。非不能
 成小廉而行小節也。以為殺身立事。絕世滅後。功名不立。非智也。故去威
 忿之志。立終身之名。素念指之節。定累世之功。是以素與三王爭流。名與
 天壤相弊也。願公擇一而行之。燕將見曹連書。泣下曰。猶豫不能自決。欲
 歸燕。已有隙恐。殊欲降齊。所殺虜於齊甚衆。恐已降而後見辱。曹然嘆曰。
 與人刀我寧自刃。乃自殺。聊城亂。田單逐屠聊城。後漢隗。其字季孟。
 王莽末。李父崔。聞更始立。而莽兵連敗。乃與兄長。及上封人楊廣。其人月
 赤。謀起兵應漢。推為上將軍。立廟祀高祖。太宋。周公。劉姓而望。移檄告
 郡國曰。漢後元年。七月己酉朔己巳。上將軍隗。白虎將軍隗。左將軍
 隗。右將軍楊廣。明威將軍王遵。雲旗將軍周宗。等。皆州牧。郡監。郡平。長

永樂大典卷二萬八百五十一

連率。大夫。尹尉。隊大夫。屬正。屬令。莽以周官上制之文。置平正。連率。大夫。
 大夫。職如大夫。屬令。屬長。職如都尉。置州牧。郡監。二十五人。是禮如三公
 也。置代其官。其無爵者。為尹。又置六隊。都置大夫。職如大夫。故新都侯王
 莽。陵侮天地。詐道逆理。鴆殺孝平皇帝。篡奪其位。矯託天命。偽作符書。莽
 遣上威將軍王奇等。誅符命四十二篇於天下。言當代漢之意。欺惑衆庶。
 震怒上帝。反戾飾文。以為祥瑞。大風。王莽路堂。人披其口。寧堂。池。東。橋
 樹。大十圍。王莽乃曰。金葉。問。倦。天。意。立。太子。王其名。乃立其子。臨。為。大
 子。以為祥應也。戲弄神祇。歌頌禍殃。楚越之竹。不足以當其惡。前漢。未。安
 母曰。南山之行。不足以當我詞。置以楚越多竹。故引以為言也。天下昭言
 所共聞見。今暮舉大瑞。以喻史氏。蓋天為父。地為母。自古曰。惟天地萬物
 父母。禍福之應。各以事降。莽明知之。而冥昧觸冒。不顧大忌。詭亂天術。後
 引史傳。王莽每有災禍。皆引史傳。以文飾之。前書說符使在發言於莽曰。
 周禮。及春秋。左氏。國有大災。則哭以厭之。故周易稱先號咷而後笑。宜乎
 嗟者。天以采。故乃卑。臣至南部。陳其符命曰。持心。大天昔泰始。皇。變。樂
 誼法。以一二數。欲至萬世。泰始皇初。并天下。制曰。太古有。無。中。古有

拔。死而以行為誼。如此刑子讓文。臣議。君自今以來。除誼法。罪為如主。當復貴以計數。至于萬世。博之無窮。而莽下三萬六千歲之層。言身當盡此度。莽今太史推三萬六千歲層。此六歲一役。元。布告天下。循亡秦之軌。推無窮之數。是以逆天之大罪也。分裂郡國。斷絕路絡。怒。循。經。絡。謂莽分。中。郡。縣。斷。到。種。界。也。田。為。王。田。實。買。不。得。莽。更。名。天。下。曰。王。田。不。得。賣。買。規。錮。山。澤。奪。民。本。業。莽。創。名。山。大。澤。不。得。採。木。造。起。九。廟。窮。極。工。作。莽。九。廟。一。曰。黃。帝。太。初。祖。廟。二。曰。唐。帝。始。祖。廟。三。曰。漢。明。上。統。祖。廟。四。曰。齊。魏。王。代。祖。廟。五。曰。濟。北。愍。王。王。祖。廟。六。曰。秦。南。伯。王。尊。廟。七。曰。元。成。諸。子。王。尊。廟。八。曰。陽。平。頃。王。昭。廟。九。曰。新。都。顯。王。穆。廟。十。曰。皆。重。屋。太。祖。廟。東。西。南。北。各。四。十。丈。高。十。七。丈。餘。半。之。為。銅。薄。牆。飾。以。金。銅。填。之。窮。極。百。工。之。巧。工。費。數。百。鉅。萬。卒。徒。死。者。萬。數。也。發。家。河。東。攻。劫。丘。隴。此。其。逆。地。之。大。罪。也。尊。任。殘。賊。信。用。姦。佞。誅。戮。忠。正。覆。按。口。語。赤。車。奔。馳。積。漢。志。曰。史。車。赤。轡。白。蓋。赤。帷。從。騎。騎。四。十。人。也。法。冠。晨。夜。寃。繫。無。辜。積。漢。志。曰。法。冠。二。曰。柱。後。高。五。寸。侍。御。衣。服。之。要。族。衰。庶。行。炮。烙。之。刑。除。順。時。之。法。莽。作。楚。如。之。刑。殘。賊。陳。良。終。等。等。二十。七。人。莽。又。作。行。順。時。之。令。春。夏。斬。人。此。為。不。順。時。之。法。灌。以。醇。醪。列。以。五。毒。莽。以。董。忠。及。故。忠。宗。孫。

永樂大典卷二萬八百五十一

以醇醪。毒藥。白刃。殺。并。一。坎。並。之。政。今。日。變。官。名。月。易。奔。州。郡。官。名。改。無。常。制。乃。至。歲。後。變。更。一。郡。至。五。易。名。而。運。後。其。政。吏。人。不。能。記。也。貨。幣。歲。改。時。百。姓。便。女。漢。五。銖。錢。以。各。錢。大。小。兩。行。難。知。皆。私。以。五。銖。錢。市。買。莽。患。之。下。書。請。改。五。銖。錢。者。此。非。井。田。制。投。四。角。吏。臣。昏。亂。不。知。所。從。尚。旅。窮。窘。號。泣。市。道。設。為。六。管。管。主。也。莽。設。六。管。之。令。謂。醇。酒。膏。鹽。鐵。器。錡。鑪。名。州。大。澤。此。謂。六。也。皆。令。縣。官。上。稅。其。利。增。重。賦。斂。剝。削。百。姓。厚。自。奉。養。苞。苴。流。行。財。入。公。輔。禮。記。曰。苞。苴。以。司。閭。人。者。莽。令。七。公。六。卿。蒸。餼。將。單。分。張。大。郡。皆。使。為。森。於。外。貨。畧。而。市。使。漁。百。姓。上。下。貪。賄。其。相。檢。考。氏。坐。扶。銅。炭。沒。入。鍾。官。莽。時。關。東。大。饑。姓。人。犯。錢。錢。上。人。相。坐。沒。入。為。官。奴。婢。其。男。子。推。車。兒。女。子。步。以。鐵。鎖。其。頸。傳。詣。鍾。官。八。十。萬。數。刑。者。易。其。大。婦。怨。苦。死。者。什。六。七。鍾。官。主。錢。錢。之。官。也。扶。隸。脫。積。數。十。萬。人。工。匠。饑。死。長。安。皆。臭。既。亂。諸。夏。狂。心。益。悖。狂。攻。擅。胡。南。擾。動。越。莽。今。十。二。年。時。制。時。訂。道。並。出。大。擊。司。奴。莽。改。河。町。上。為。庚。其。工。耶。怨。怒。不。附。莽。蠶。絲。則。大。尹。周。勃。詐。托。郡。甲。弟。承。起。兵。攻。劫。款。西。侵。羗。戎。東。搗。濊。貊。編。後。公。白。尾。鹿。皆。傳。播。莽。怨。莽。奪。其。地。為。西。海。郡。遂。反。攻。西。海。太守。程。朱。莽。人。登。高。句。農。共。伐。胡。不。欲。行。郡。疆。迫。之。皆。不。出。塞。為。寇。使。四。境。之。外。並。入。為。害。賊。邊。之。郡。

永樂大典

永樂大典

卷二〇八五〇

我江僕射蕭領軍徐司空沈僕射曹右衛或外戚懿親或皇室令德或時
之宗望或國之虎臣並勲彰中興功比申呂秉鈞贊契受遺先朝咸以名
重見疑正信貽疑當加黨族虐及嬰孺曾無渭陽追遠之情不顧本支熾
落之痛信則見疑忠而獲罪百姓嗷嗷國知攸暨豈惠景內通法刑以不
堪命驅士分之民為先死之討倒戈地刃遂指官闕城無先守人有異圖
賴蕭令君勲濟宗祏業拯蒼氓四海蒙一平之德億兆憑再造之基江夏
王拘迫威強牽制巨力逆屈當時地心可亮竟不能內恕探情顯加鴆毒
蕭令君自以親惟族長任實宗臣至誠苦言朝夕獻入護醜交構漸見誅
疑沒潤成災奄離怨酷用人之功以寧社稷刈人之身以騁淫濫台輔既
誅姦小競用梅奩兒茹法珍妖惑愚展窮蹤醜惡敗鬻王威以為家身焚
或嗣主恣其妖虐官女千餘裸服宣淫孽臣數十袒楊相逐暢飲棠肆之
間嘗游街陌之上提挈群臣以為歡笑劉山陽借受函首規肆狂逆天誘
其衷即就梟剪夫天生蒸民樹之以君使司牧之勿使失其性豈有尊臨
寓縣毒過黔首絕親戚之恩無君臣之義功重者先誅高者速斃尤族
內離四夷外叛封境日蹙戎馬交馳節旛既空百姓已竭不恤不憂慢游
是好民怨於下天懲於上故變或襲月孽大燒宮妖水表災震蝕告冷七

永樂大典卷三萬八千五百

十四

廟陷危三才莫祀大懼我四海之命永渝于地南廡殿下體自高床大提
英簋金棗之微著於鈞平當壁之祥兆于祈歲億兆願頌咸思戴奉且勢
居上游任總連帥家國之否寧濟是當奉府身備皇宗泰荷顧託憂深責
重誓清時難今命冠軍將軍西中郎諸議領中直兵參軍軍主楊公則軍
朔將軍領中參軍軍主王法冠軍將軍諸議參軍軍主鹿翹輔國將軍諸
議參軍領列駕軍主宗史輔國將軍諸議參軍樂籍等領勳卒三萬凌波
電邁遠造秣陵冠軍將軍領諸議中直兵參軍軍主蔡道恭輔國將軍中
直兵參軍右軍府司馬軍主席闡輔國將軍中直參軍軍主任淶之軍朔
將軍中兵參軍軍主朱斌中直兵參軍軍主朱水之建威將軍中直兵參
軍軍主朱景舒軍朔將軍中直兵參軍軍主庾域寧遠將軍軍主庾略等
被甲二萬直指建業輔國將軍武寧太守軍主鄧元起輔國將軍前軍
將軍軍主王世興等鐵騎一萬分起白下任虜將軍領司馬新興太守夏
侯詳軍朔將軍諸議軍主沈忱寧朔將軍領中軍參軍軍主劉孝慶建威
將軍軍主江陵令江鈺等帥組甲萬騎駱驛繼發確劔高慶則五星徙源
長戟遠指則雲虹變色天地為之肅皇山淵以之奔沸恭府親貫中曹授
律中權董冲熊羆之士十有五萬鉦鼓紛紜雷動荆南軍朔將軍南康王

友蕭頊達領虎旅三萬抗威後拒蕭雍州勳業盖世謀猷淵肅既病家禍
 無憤國難泣血枕戈誓雪怨酷精卒十萬已出漢川張郢州節義慷慨志
 力齊奮江州邵陵王湘州張行事王司州皆遠近懸契不謀而同並勅號
 猛指景風駭舟艦魚膏萬里蓋水車騎雲屯平原霧塞以同心之士伐倒
 戈之衆威德之師救危亡之國何征而不服何誅而不克哉今兵之所指
 惟在梅燕見茹法珍二人而已諸君德載累世勳著先朝屬無妄之時居
 道消之運受迫群聖念有危懼大軍近次當各思拔逆未赴軍門檄到之
 日有能斬送燕兒法珍首者封二千戶開國縣侯若逆賊凶黨敢拒軍鋒
 刑茲無赦戮及宗族賞罰之信有如皦日江水在此余不食言 侯蘭祥
 為大司馬明帝武成初吐谷渾侵涼州詔祥與宇文貴總兵討之祥乃
 遣其軍司徽吐渾曰夫二氣既分三才定位樹之以君本為黔首豈使恃
 義違道肆於民上昔魏氏不綱群方播裂豺狼橫噬龜玉已毀喋喋然黎
 威墜塗炭我先皇神武應期一統天下東甯南剪無思不服天降有周世
 篤英聖遂廓洪基吞兼萬國因則神皋西岳險則百二猶在卿士帥師群
 后率職故知三靈之所集四隩之所來蘇也彼國世于西岳作藩於值
 中原政亂遂阻皇風首鼠兩端伺我邊隙我先皇舍垢蕪疾仍存時享欲

承樂大典卷三萬八百五

十五

睦之以隣好甲之以婚姻彼國包藏禍心屢違明約外結仇讐自貽逆患
 是故往年致突厥之師也自爾迄今蜂蠆播毒入我姑城俘我河縣焚夷
 我菽麥度劉我蒼生我皇武以止戈文以懷遠德軍四海化溢八蕃以彼
 惡稔禍盈故命襲行元伐武臣猛將天張雷動皆六郡良家三秦精銳揮
 戈探甲同革龍沙柱國博陵公祥貴戚重臣乃文乃武受福廟堂元戎啓
 路太傅燕國公謹英猷不世慮變無窮拔旆指麾為其謀主柱國化政公
 貴早播威聲奇正無設直取龍淵濟自南河突厥與國睦親同耻反道駭
 引弓之民總穹廬之衆解鞍成山雲蒸霧合往歲王師西伐咸都不守將
 鼓南臨江陵底定鑿空萬里關地十都荒服畏威膜拜厥角成敗之機較
 然可見若能轉禍為福深識事宜君臣相率與觀稽顙則爵等倭除未藩西
 服如其徘徊危邦觀延時漏寢寐淫祀良助寒心幸思嘉謀以圖去就遂
 與吐渾廣定王鍾留王等戰破之因拔其洮陽洪和二城以其地為洮州
 撫安西土振旅而還 宋末約為高祖太尉長史高祖遣州刺史朱鈔石
 伐蜀使約為檄文曰夫順德者昌逆德者亡失仁與義難以求安德阻負
 寡鮮克有成詳觀自古隆替有數故咸都不世祀華陽無與國日者王室
 多故夷并邊紛波振塵駭軍及遐裔葭爾詎縱編戶黔首同惡相求是索

是長。肆反噬於州相。播毒害於民黎。俾我西服。隔閭皇澤。自義風雷靡天。无暉及。昭晰舊物。烟燼區宇。以庶務革創。未遑九伐。自是以來。奄廷十載。而野心不革。游竟伺隙。招聚遺叛。共相封殖。倭獲我壘。務搖蕩我疆。垂我是以有治洲之役。醜類盡殪。足馬無遺。桓譙折首。龍福鳥逝。奔伏窠穴。引頸待戮。當今北狄露蹄。南寇埃狎。風葉趨。庶績其幾。康哉之歌。日熙比屋之隆。可詠孤職。是經略思。一尤有。春彼禹跡。願言載陳。奉命西行。遂履荆郢。瞻望已漢。憤慨交深。清江原於瀝屬。澄氛殺於并絳。誅叛赤遠。今也其時。即命河間太守。劉忠。精勇二萬。直指成都。龍驤將軍。臧喜。戎卒二萬。進自墊江。蓋州刺史。朱齡石。舟師三萬。實曜外水。遣輔國將軍。索熊。總漢中之衆。濟自劍道。振威將軍。朱春。子提。寧州之銳。渡瀘而入。神兵四臨。犬網宏掩。衝翼千里。金鼓萬張。組甲具曹。景洪波竭。華夷百變。雲會霧臻。以此攻戰。誰與為敵。况又奉我而行。以順而動者哉。今三峽之隘。在我境內。非有岑彭。荆門之險。猶入其隄。千衛四連。實無郢父。綿竹之難。山川之形。抑非曩日。攻守難易。居然百倍。當全蜀之強。四民之富。子陽不能自安於庸。樊劉禪不敢竄命於南中。荆郢折謀。伯約控銳。故知成敗有數。非可智延。此皆蓋上前事。當今元龜也。感如虛傳。

強如容超。凌厲南海。跨制北岱。樓船萬艘。捲江蓋。流鉄馬千群。充原塞。隄然廣固之攻。陸無克維。右里之戰。水靡全舟。或顯戮京畿。或傳首萬里。故知逆順有勢。難以力抗。斯又目前。殷鑒深切者明者也。漢益人士。馬明王化。雖驅迫于時。本非真主。從之。淫官。日月增播。刑殺非罪。死以澤。重而時命。冠擊之。戮崎岷。豺之吻。豈不邈誠。南凱。延首東堂。善人有未蘇之幸。而一方。懷後子之怨。王者之師。以仁為本。捨逆取順。爰自三。繫齊斧所加。縱身而已。其有矜甲反。棲自投軍門者。一無所問。士子百姓。列肆安堵。雷梓。吉函。自求多祐。犬信之明。曠若朝。相如其。逆復姦邪。守息不。火廢孟諸。芟艾同爛。河決金陵。淵立同體。雖欲悔之。亦將何及。已。東王休。看馬。鎮東將軍。明帝即位。召行會稽郡事。孔覲。為太子詹事。以平西司馬。庾業代之。觀與吳郡太守。顧琛。據郡同反。吳興太守。王曇首。義興太守。劉延熙。晉陵太守。袁粲。一時響應。帝以庾業代延熙。為義興。加建威將軍。以延熙為休。若鎮東長史。業至長塘湖。即與延熙合。帝遣建威將軍。沈懷明。東討尚書。張永。保進。休若。董統。東討軍。事。移檄。東土曰。蓋聞。蒙集有北。福至無門。倚仗之。秦寔。准人致。故。為。迷。食。亂。終。於。宗。祀。昌。憲。構。氛。旋。潤。斧。鉞。斯。則。臨。章。紀。跡。鑿。成。古。今。者。也。自。國。步。時。錄。三。綱。道。盡。神。歇。靈。輝。塔。業。燬。旗。星。

上二雄集瑞應。屢運歷。屢儀。燦身能輝電。舉遺穢。禁棍不伏。條牧之誓。從政中寓。不拜。漆杆之威。是以墜維。再造。彭天重構。幽明。我紀。採配。斯光。而群。函。恣。虐。滔。扇。重。孺。最。爾。東。岳。復。淪。醜。跡。即。回。從。憲。蜂。動。蟻。附。聖。圖。寔。發。神。威。四。臨。羽。驛。所。屆。我。旅。雲。屬。祝。鉞。所。履。逆。徒。水。泮。勝負。之。効。皎。然。已。顯。司徒。建安。王。英。猷。冠。世。董。率。元。戎。懸。騎。山。陽。王。風。畧。風。昭。撫。厲。中。陳。或。飛。霜。江。蘇。或。騰。衆。剗。河。金。甲。瑒。大。庭。萬。聲。震。海。浦。前。將。軍。吳。興。太守。張。永。東。南。標。秀。協。贊。戎。機。建。威。行。軍。沈。傑。明。鎮。東。中。兵。參。軍。劉。亮。武。衛。將。軍。壽。寂。之。霜。銳。五。千。龍。騰。虎。步。龍。驤。將。軍。頌。生。跌。騎。連。群。風。驅。電。邁。右。軍。將。軍。齊。王。射。聲。校。尉。姚。道。和。樓。船。千。艘。覆。川。孟。河。左。軍。將。軍。垣。恭。祖。步。兵。校。尉。杜。幼。文。穴。從。僕。射。全。景。文。負。外。散。騎。侍。郎。孫。超。之。並。率。虎。旅。駱。驛。雲。赴。殿。中。將。軍。陸。倕。之。建。武。將。軍。吳。喜。甲。楯。一。萬。分。趣。義。興。猥。承。入。乏。總。司。戎。統。贊。劍。東。雲。馳。憤。海。曲。敵。氣。則。白。日。盡。晦。刷。馬。則。清。江。倒。流。以。此。伐。叛。何。勅。不。勅。以。此。未。服。何。順。不。懷。懲。彼。群。逆。帝。辨。先。禁。拒。轍。之。臂。擬。雷。定。之。衝。已。枯。之。葉。當。霜。庭。之。墜。尺。璧。所。為。寒。心。匹。婦。所。為。歎。息。夫。因。禍。致。慶。資。敗。為。威。前。威。不。忘。後。事。明。望。若。能。相。率。歸。順。投。兵。効。款。則。福。鍾。年。祿。慶。寧。來。裔。孰。知。身。探。宗。屠。鬼。錄。竟。泣。者。哉。詳。覽。安。危。自。求。多。福。購。生。禽。孔。觀。千。五。百。戶。

永樂大典卷二萬八百五十一

開國縣侯。生禽。願。琛。千。戶。開國縣侯。斬。送。者。平。實。特。許。士。多。是。東。人。又。凡。子弟。皆。已。附。逆。帝。曰。送。軍。普。加。宣。示。曰。朕。方。務。德。爾。利。使。四。軍。不。相。及。如。願。同。逆。者。一。以。所。從。為。斷。卿。等。當。深。遠。此。懷。勿。以。親。戚。為。慮。也。東。於。是。大。悅。帝。又。以。吳。喜。為。建。武。將。軍。東。討。至。永。世。得。度。景。劉。延。熙。書。送。同。逆。尋。陽。王子。房。檄。文。與。喜。曰。知。魏。戎。孫。已。次。近。路。卿。所。在。著。名。今。日。何。為。立。忠。於。彼。耶。想。便。倒。戈。共。受。河。山。之。實。古。語。曰。前。驅。之。人。思。奉。未。驗。彼。亦。壯。感。民。深。依。險。聖。上。以。神。武。撥。亂。德。威。勳。高。斯。逆。叛。自。滅。此。專。刻。若。等。而。長。之。烈。世。荷。日。息。事。愧。為。獨。不。懷。食。其。今。練。勒。所。許。聖。言。逆。送。相。見。奉。送。不。疑。多。陳。祖。君。秀。為。李。密。檄。洛。州。文。且。著。作。於。郡。縣。古。自。元。氣。肇。三。作。開。厥。初。生。人。樹。之。帝。王。以。為。司。牧。是。以。義。農。軒。項。之。后。先。舜。禹。湯。之。君。靡。不。祗。畏。上。玄。愛。育。黔。庶。一。作。百。乾。乾。終。日。冀。其。小。心。馭。朽。索。以。同。危。履。薄。一。作。水。而。為。一。作。是。懼。故。一。物。失。所。若。納。隍。而。愧。之。一。夫。有。罪。遂。下。車。而。泣。之。謙。德。於。責。躬。憂。勞。切。於。罪。已。普。天。之。下。率。土。之。濱。竭。木。距。於。流。沙。瀚。海。窮。於。丹。穴。莫。不。鼓。腹。擊。壤。登。井。耕。田。致。之。昇。平。驅。之。仁。壽。所。一。作。是。以。愛。之。如。父。母。敬。之。若。神。明。固。一。作。月。能。享。國。多。年。祚。延。長。久。一。作。世。未。有。暴。虐。臨。人。竟。終。天。位。者。也。隋。氏。姓。因。周。末。預。奉。紱。木。孤。嫗。而。圖。堂。寶。壯。區。

永樂大典

卷二〇八五〇

而一作以取神器及續戎一作承負乘狼虎其心始眩明兩之暉終于少
 陽之位先皇大漸侍疾禁中遂為梟獍便行鴆毒於是罪一作禍深於昔
 橫蒙結於商臣天地之所不容神明之所嗔憤一作天地罪人神嗔憤
 加以州吁晏息閔伯日尋後焉一作每大劫閔所以懷焉晉陽於焉起亂一
 作所以與亂句人為登禮一作登法刑斯逞夫九族既睦唐帝聞其欽明
 百世本枝文王表其光大况乃一作復德壞盤石勳絕後焉作一作綱維骨
 巨齒寒寧止虞曠欲其長久其可得乎其罪一也禽獸之行在於聚麀人
 倫之禮一作性別於內外而簡陵公主通幸告終誰謂殺言首一作女
 名數百之賢翻見齊襄之壯遂於先皇嬪御並進錄琛諸王子女咸貯金
 屋牝鷄鳴於詰且雄雉志其于一一作非飛相服戲陳侯之朝穿履同貞頃之
 寢爵賞之一作不出女謁逐一作逐成公卿宣法無復綱紀其罪二也
 平章百姓一日萬機本曉求末吳暮忘一作不食是以大禹不重一作責於天
 光武無一作不偏於反支體此一作以是憂勤深慮幽枉而荒酒一作
 於一作于酒俾畫作夜或號或呼一作式且一作嗜一作常居
 宸室每藉糟丘朝謁罕見其身群臣希覩其面斷決自是一作此不行教
 奏於馬一作是停擁中山十日之酒一作飲酩酊無知一作名襄陽三雅之

永樂大典卷二〇八五〇

孟。留連距此。又廣召良家充選官掖。潛為九市。親駕四驪。自此商人見避一
 作去送旅。殷紂一作于之一作譴為小。漢靈之罪更輕。內外驚心。遐邇夫望。其
 罪三也。上棟下宇。著于一一作在易文。茅茨采椽。陳諸文籍。聖人本意。唯避風
 雨。詐待珠玉之華。寧須錦綺之麗。故瓊宮一作存一作崇一作構一作商一作以一作之一作滅一作亡。
 阿房崛起。秦族以之一作二世一作是以傾覆。而不遵古典。不念前車。一作幸
 廣立池臺。多為一作營宮觀。金鋪玉戶。青瑣丹墀。蔽虧日月。隔閼寒暑。窮生
 人之筋力。罄天下之資財。使鬼尚難為之。勞人固知一作其一作不可一作其一作罪四
 也。公田所藉一作賦一作不過十畝。人刀所供一作賦一作通月止三日。是以輕繇
 薄賦。不奪農時。寧積於人。不藏府庫。亦一作無一作藏於府而一作賦一作稅一作繁一作繁一作。不
 知紀極。猛火爨燒。滿危難滿。頭會一作賦一作。遂折十年之租。朽軸一作具一作空。日有一
 作一作預一作千金之用一作費一作。父母不保其赤子。夫妻相棄於匡床。萬邦一作
 尸則城郭空虛。千室一作里一作則煙火斷絕。一作一作城西一作王孫之室。翻同原
 憲之貧。東海原世之家。俄成鄧通之鬼。其罪五也。古先哲王。卜征地。狩。屠
 虞五載。周引一紀。本欲親問疾苦。觀省風俗。一作一作乃復廣積薪芻。多乘
 一作一作備一作襄一作鎮。年年歷覽。處處登臨。從臣疲弊。供頓辛苦。而飄風凍雨。所竊
 比於前一作先一作樂一作車一作撤一作馬一作。一作一作遂一作周一作行一作於一作天下一作。秦皇之心未已。周穆

之意非窮宴西母以一作而歌宴浮東海以一作而觀日家苦納結之勤
 人阻朱蘇之望且夫天子有道守在海外其年一作月夷不亂華在德非除
 長城之固一作後戰國所為乃是狙詐之風非關稽古之法而乃追蹤秦
 代版築更興廣營一作築其基址延袤萬里遂使屍骸通一作散野血流
 成川一作河積怨比於丘山一作滿於山川號哭動於天地其罪六也逢水
 之東朝鮮之地禹貢以為荒服周王棄而不臣示以竊廢違其聲教苟欲
 愛人非求拓土又強弩末矢不能一作理無穿於魯鶴衝風餘刃非敢
 一作不能動於鴻毛石田恃而無懼為助食一作支而何用而恃康恬
 一作力窮一作強兵黠武務在吞併一作作唯在吞併不思後為一作亦長
 策夫兵猶火也不戢則一作將自焚遂使億兆夷人隻輪莫送夫差長圍寔
 為黃池之盟符堅滅身良由壽陽一作春之役欲擒鳴蟬於前不知黃雀
 於後一作後年後復天相顧璧弔成後一作進行義夫切齒壯士扼腕
 其罪七也直言啓沃王臣匪躬唯木從繩若金須臾唐堯建鼓思聞獻替
 之言夏禹懸解一作和時總歲規之美而乃懷諫道一作姤一作出賢嫉能
 直士正人皆由屠戮一作宜左僕射齊國公高穎上柱國宋國公賀若弼
 或文昌上相或細柳功臣暫吐良藥之言雖加屬縶之賜龍逢無罪遂一

卷之二萬八百

十九

作使遭夏癸之誅王子何辜濫被商辛之戮遂命君子結舌賢人緘口一作
 紙口指白日而為一作此或射蒼天而敢欺不悟國之將亡不知死之將
 至其罪八也設官分職貴在銓衡察獄問刑無開略一作收而錢神起
 論銅臭為公梁冀受黃金之蛇孟他薦蒲萄之酒遂使弄倫攸致政以購
 成君子在野小人在位積薪居上驗一作月汲黯之言囊錢不知傷趙一
 之賦其罪九也宣尼有言無信不立用命賞祖我豈食言自獨夫一作不
 上嗣位每歲行幸南北地狩東西征伐至於一作如浩堂陪蹕東都圍守
 一作守日開鄉野戰鴈門被一作解圍自外征伐一作大不可勝紀既立
 功勳漬酬爵賞一作官爵而志懷驕奢言行浮說臨危一作危則魚貫
 縣授克定則絲綸不行異商鞅之責一作項金同項王之利印芳餌之下
 必有懸魚惜其重賞求其一作人死力走死逆坂譬一作西此非難凡百
 號雄莫一作不不譽忿至於匹夫最爾宿諾不虧况一作既在來與二三
 其德其罪十也有一於此未或不亡况四維不張三空三空見後漢陳蕃
 傳提華一作三重地并無小無大愚夫愚婦共識廢亡咸知夏滅營南山
 之竹書罪未窮決東海之波派惡難盡是以窮奇炎於上國癡獫暴於中
 原三河縱封豕之貪四海被長蛇之毒百姓殲亡殆無遺類十分之一一作

為計一作後同一而已一作生漢漢一作後成憂把國之崩赤縣一作子
嗽嗽一作後歷陽之陷且罔祚將改必有常期六百喪殷一作後之
三十終雖之數一作後之故識錄皆云隋氏三十六年而滅此則厥
德之象已彰代終之兆先見皇天無親唯德是輔況乃捷擒克天申繇謂
之除舊歲星入井甘公以為義興兼以朱雀門既正陽日食孤鳴鬼哭川
竭山崩並是宗廟為丘墟之狀刑榛是庭旅之事一作宗廟為墟之狀
林林一作後夏后一作八則災孽非多殷人則咎徵更少牽牛入漢方知
大亂之期王良策馬始驗兵革之會今者順人將革先天不違大誓孟津
陳盟一作命景毫三千列國八百諸侯不謀而同辭不召而自至轟轟隱
隱如霆如雷雖虎嘯而谷風生應龍驤而景雲起我魏公聰明文一作神
武齊聖廣淵總七德而在躬包九有一一作功而批秀一作出周太保魏國
公之孫上柱國蒲山公之子家傳威德武王承季歷之基地啓元勳世祖
嗣元皇一作王王室之業寫生白水日月之相更一作使新載誕丹陵天
寶之文斯著加以姓符圖讖一作神名協歌誥六合所以歸心三靈於馬
不道一作所以改卜文王厄於美里赤雀方來高祖隱於陽山彤雲自起兵誅
不道亦伏一作自長安一作後著作一作中銜銳難當黃星出於梁宋九五龍飛

永樂大典卷二萬八百五

二十

之始大人豹變之初歷試諸難大敵彌勇上柱國司徒東郡公程瓌功宣
綽綽其亮經綸伊尹之贊一作以成湯蕭何之奉一作輔高帝上柱國總
管齊國公孟讓柱國絳郡公裴行儼上大將軍左長史那元真等並運籌
千里勇冠三軍擊劔則斬蛟截龍一作斬蛟斷鼉擊孤則啼一作不隸落
鴈韓彭韓灌成沛公之基寇賈吾馮奉蕭王之業復有蒙輪扶輅之士拔
距拔石之大翼馬追風吳戈照日一作魏公屬當期運撫茲使一作使
斯德北躬探甲胃跋涉山川櫛風沐雨豈辭勞倦遂興一作起西伯之師
將問南巢之罪百萬軍一作成旅四七為名呼吸則河渭絕源叱咤則嵩華
自拔一作以攻城何城不克一作伯以此擊陣何陣不摧擊猶決滄海而
濼殘孽一作舉崑崙而壓小邦鼓行而西一作進百道俱進一作前
以四一作今月二十一日屆於東都而昏朝文武留守段達韋津等昆吾
惡稔飛廉奸佞尚一作又迷天數敢拒義師一作六驅率醜徒東有十萬
迴洛倉北遂來舉斧於是熊羆角逐貔虎爭先一作其倒戈之心未
我破竹之勢曾未旋踵先解水消坑卒則長平未多積甲則熊耳為少連等
助射一作為虞嬰城自固梯衝亂舞徒設九拒之謀鼓角潛一作鳴
空凭一作百樓之險驚巢衛幕魚遊宋池殄滅之期匪朝伊夕一作未

永樂大典

卷二〇八五〇

然興後為日地洛虎牢國家儲積我並一作已先據馬日久矣又一作既
得地落後一作又取黎陽天下食康使篇作食儲一作之食盡非所有四
方起後篇作赴我萬里如雲足食足兵無前無敵裴光祿仁基雄才上略
一作折受朕東一作事征避通收惠安危是託乃識機知變速虞後篇作
改事夏表謙檜於一作日藍水須陀復在榮陽實處戰歿於睢陽一作淮
南郭絢授首於河北隋之亡殄一作俱斷可知也清河公房彥藻近東戎
律略地東南師之所臨風行電掣安陸汝穎一作南則隨機蕩定淮安濟
陽英華作淮南海北則俄然送款徐圓明已平魯郡上柱國東平孟海公
久一作又破濟陰於是海內英雄咸未響應封民瞻取平原之境都孝德
據黎陽之倉季士才一作惟虎視於長平王德仁鷹揚於上黨消郡公李
景考功郎中房山基發自臨榆一作俞劉興祖起於北一作白朔崔白駒
自一作在顯川起房一作方獻伯以燕都來各擁數萬之兵俱期牧野之
會滄淇之右函谷之後篇作以東牛酒隨一作獻於軍前盧象昇一作並
於道左諸君等並衣冠華一作世肖把梓良才歆神靈澤一作神在堂年
之秋裂地封侯之始豹變鶴起今也其時龜鳴龜一作龜應見機而作各
宜鳩率子孫共建功名取奔後篇作門之赴先武蕭何一作宋之奉高堂

永樂大典卷二萬八百五十

當以一作並止金章紫綬軒一作羊蓋未輪富貴以重當年珪璋一作志具
以傳奕葉豈不盛哉若隋代官人同犬桀犬一作同犬之犬尚何王
莽之恩仍懷劇噴之祿英華作非審配死於袁氏不如張郃歸曹范曾
書作曾困於項王未若陳平從漢魏公推以赤心當加好爵擇木而處幸
一作今不自疑脫其猛虎猶與舟中敵國風沙之民共縛其主彭寵之僕
自殺其君高官上賞即以相授如暗使篇作情於成事守迷不返竟同繼
大玉石俱焚義等噬臍悔將何及黃河帶礪明余且且之吉候日履天知
我勤勤之志一作意布告天下一作海內咸使聞知房彥藻馬李密繼
實建德文公道氣激橫鷹揚河朔引蘭山之駝騎驅秀水之壯士跨驎燕
齊牢籠趙魏好通戎狄聲振華夏昔隗囂之居龍上非不險也項籍之據
彭城非不強也然而援無所恃躬還歷數遂使楚徒歎歎於垓下秦泥不
封於函谷故託身得地實敢保西河之功協與非人劉表喪漢南之業魏
公英雄電逝類晨風之拂北林率土星奔甚消流之赴東海今隋主拘囚
於世充身制於朱紫白旗之首已懸馬江之船未解去月二十日德管兵
馬會同黎陽莫不披蓋蒙輪實勇求敵遠懷歸義分討不庭公能觀大底
臺枉道垂報或以冀方猶復願協力齊盟南臨則黃河可清北指則幽雲

永樂大典

卷二〇八五〇

自卷公之遠度宏規高勳茂績必將備彰伊呂各併輝彰自餘碌碌復何足數降淮尚誓干戈未戢想軍旅之事各有司存指蹤之勞無處於明鏡也內懷惻愍形於翰墨情之所寄言不能通孔德紹焉實建德徽秦王文建德師在渡河與上世克相獲如運軍糧河而上始能相繼首尾不絕水陸並進乘城營壘於大阜之東其城三十餘里除今人與上世克相約乃連奉上古夏王敬問唐秦王彼朝發跡大原秦有關內鄭氏先啓伊洛崇建宗社子則創基庶趙包舉山東鄭國何辜與師致討深懷國存不憚濡足方今十未雷動萬騎雲屯投石拔距蒙輪擊劍統三燕之義勇擊六齊之雄傑制初敵如拾遺珍高墉若摧朽鄭都鞠旅普泉雲繼我師躍馬騰戈克蕩氛祲彼則外無救援內絕軍糧將聽楚歌之聲方見堵陵之哭若能反鄭國之侵地守秦川之舊邦更脩前好不奉求請魏微馬季容徽榮陽來那王慶文凡隋書鄭王慶傳齊既亡華洛東傳魏微河內郡縣其不響應唯榮陽不下王所脩之兵室故鄭故城以一城之地不足

永樂大典卷二萬八千五百三十一

丘酒池之荒非為淫亂加以違忠臣之諫從婦人之言殺戮忠良一作良多科稅無已是以竭毛而起豹變其文共舉義旗同書作我前古唐今者七營華洛開發太倉賑卹飢蠶咸從克健吳戈電照隸首箐而無窮箕馬雲屯弘羊計而難盡是以八方並湊隋書作日也萬里俱來莫不期入關以亡秦乎度河而滅尉東窮海岱南泊江淮凡厥遺黎隋書作人承風慕義唐公起兵黎故一作陽兵一作軍臨滿岸三秦父老千里獨師叶義同心共為持角元寶藏武陽興義即取黎陽燕趙之郊來蘇成詠唯榮陽一郡仍隋書作王獨守連愛以宗盟尚疑衝壁救陳鍼藥其愈膏育夫微子紂之長隋書作元先親隋書作扶是為重項伯籍之季父咸乃非驂然其情隋書作伯去朝歌而虞周背西楚而歸漢豈不眷戀宗祊留連骨肉但為識寶鼎之遷隋書作所移和神器之先改河決不可壅樹顛不可維所謂玄覽通神明鑒君子者矣而王之先代家住山東本姓郭氏乃非楊族只隋書作止為宿與隋朝頗隋書作先有勳舊遂得預沾盤石遂隋書在茂華婁敬之與漢高殊非血胤呂布之於董卓良異天親芝焚蕙歎事不同此又王之昏主心若虎狼備念同胞乃甚隋書作有途沉閣惟勇及諫咸營禮一作參句師魏文之毒任城漢之鴟河獻假使宗祧是一

疎不問親。况乃族類為非。有何疑阻。隋書作何能日保王之為臣。無所獻納不能曲突徙薪。除煩去惑。致令四海鼎沸。百姓亂麻。高壘深溝。自因而已。藩屏之寄。豈若是乎。秋光大責。其可得也。為王計者。莫若舉城從善。開門送款。識機和變。足為美談。乃至子孫長守富貴。十六字。隋書作去五。
山。高托而外。長守富貴。足為美談。乃至子孫。必有餘慶。今王世充屢被推破。偷存漏刻。既違守東郡。若違自救。無聊。隋書作今五。十元。秦叔。非。秦。自。殺。無聊。偷存。秦。利。非。能。之。又。以。違。守。東。郡。自。守。何。國。人。世。充。朝。亡。後。隋。書。作。違。便。夕。死。又。東。郡。荒。酣。酒。色。六。字。隋。書。作。江。都。荒。酒。流。宕。忘。歸。內。外。崩。離。人。情。所。言。作。仲。悲。憤。上。江。米。船。皆。被。抄。截。士。卒。飢。餒。半。菽。不。充。窮。切。折。骸。義。自。莫。考。舉。烽。火。於。驪。山。諸。侯。莫。至。浮。膠。船。於。漢。水。還。日。未。期。近。得。未。聚。各。詞。鏡。師。百。萬。以。破。襄。陽。抱。帥。熊。羆。沿。漢。東。下。剋。期。指。日。定。滅。江。都。分。項。籍。於。五。侯。切。王。奔。於。千。段。王。獨。守。孤。城。援。絕。隋。書。作。起。拔。千。里。銀。糧。之。計。僅。有。月。餘。鮮。卒。之。多。才。隋。書。作。地。盈。數。百。何。以。隋。書。作。有。何。恃。額。欲。相。拒。抗。飛。隋。書。作。木。枯。魚。於。市。肆。即。是。木。遠。音。因。歸。馬。以。運。糧。竟。知。何。日。然。城。中。雄。隋。書。作。委。傑。王。之。腹。心。思。殺。長。吏。將。為。內。應。隋。書。作。各。尺。恐。禍。生。七。首。霧。起。隋。書。作。秦。蕭。牆。枉。隋。書。作。空。以。乙。八。之。形。隋。書。作。無。使。隋。

永樂大典卷三萬八百五十一

書作想賞千金之贖。可以寒心。可為酸鼻者也。今魏豹百萬。馬首秋東。唯待王世充破。了。鼓行東邁。梯衝亂舞。鼓角潛鳴。笑號叔之死。馬。鼓。作。馬。左。傳。制。農。邑。也。鼓。叔。先。馬。制。在。隋。屬。秦。陽。郡。秦。襄。陽。鼓。作。水。漢。書。襄。陽。無。然。類。之。熈。類。南。陽。首。鼓。作。守。騎。封。侯。之。事。杳。然。東。門。逐。獮。臨。刑。之。歎。何。晚。深。相。愛。惜。梨。帝。裁。書。幸。可。三。思。自。求。多。福。慶。符。書。惟。石。又。老。計。乃。出。降。秦。後。唐。魏。王。繼。定。莊。宗。同。光。三。年。為。都。統。西。討。西。川。軍。至。鳳。翔。馳。檄。喻。蜀。郡。曰。捨。過。論。功。王。者。示。好。生。之。道。轉。禍。為。福。聖。人。垂。善。變。之。文。矧。彼。蜀。氏。代。朱。唐。德。玄。宗。朝。以。兵。興。河。塞。久。駐。金。鑿。信。宗。時。以。盜。起。中。原。曹。侍。王。格。蜀。之。乃。祖。乃。父。或。士。或。民。皆。內。稟。忠。貞。外。資。號。果。武。勇。關。張。之。氣。文。傅。楊。尚。之。風。迎。大。駕。以。陟。岷。峨。合。諸。軍。而。定。關。輔。忠。義。冠。于。日。月。燕。景。著。于。山。河。凡。在。幽。遐。皆。所。傳。達。不。幸。龜。龍。忽。去。蛇。豕。尋。生。過。此。非。人。據。斯。重。地。蜀。主。先。父。出。身。陳。許。擁。衆。已。庸。接。王。室。之。頻。遠。係。邊。隅。而。自。大。蓋。屬。昭。宗。皇。帝。方。茲。播。越。正。切。撫。綏。先。彼。戰。死。潤。之。雨。露。綠。紅。旆。碧。幢。之。貴。兼。鳳。池。鼎。樹。之。榮。狂。兇。達。山。漸。展。橫。行。之。志。梟。鳴。出。穴。曹。無。逆。嘯。之。聲。故。本。塞。源。見。利。忘。義。加。以。結。連。同。惡。聚。集。群。凶。當。天。步。步。聚。莫。展。扶。持。之。節。及。坤。維。贊。起。却。為。借。偽。之。謀。烈。士。聞。之。撫。膺。懦。夫。見。之。擗。臂。泊。茲。餘。裔。益。奮。殘。林。聞。

豎檀權。勳賢結舌。不據不稽。奢侈者何啻千門內。淫外羨。塗炭者已餘萬室。而更納其短。見侮我大朝。叛橫拒轍之眩。擬舉投羅之翼。我皇帝仰膺玄譏。再造皇圖。四時順而玉燭明。萬彙安而金繩止。惟茲蜀土。敢隔朝風。連營虧郵。養之恩。比屋用煩苛之政。每聞殘酷。深所憫傷。是命車徒。以中平伐。步卒則轟如山列。騎軍則迅若雷奔。振雄聲而胎動乳坤。騰銳氣而動搖河嶽。彼若率兵赴死。我則無陣不摧。彼若據壘偷生。我則無城不拔。却慮高低。士庶遠近。封地不早。徇翔終同覆滅。故今曉示。貴在保全。應三川管內。有以藩鎮降者。即授之節度。有以州郡降者。即授之刺史。有以鎮縣降者。即付之主守。有能見機知變。誅斬偽命。將帥以其藩鎮城池降者。亦以其官授之。如列陣交鋒之際。有以萬人已上降者。授之節度。五千人已上。授之大郡。三千人。已上。授之次郡。一千人。已上。授主將。有蜀城將校。誅斬偽主守。領降者。授以方鎮。如蜀主王衍。首過自新。以三川歸國。即授之方面。其同謀將校。當加列爵。有舊在本朝文武官。或負罪流落在蜀者。苟能率衆歸朝。一切不問。大軍所行之處。不得焚燒廬舍。剽掠馬牛。所有降人。倍加安撫。所罪者一人。借偽所殺者萬姓。瘡痍况蜀主宗枝。成都父老。較其罪狀。良可矜寬。只如偽梁。挾我皇威。窺吾大寶。為四十年之巨寇。

永樂大典卷二萬八百五

二十四

覆十九葉之丕基。昨國家平定中原。只誅元惡。列藩做伯。咸不替移。闔境生靈。一無播種。雖蜀中遊僻。亦合傳聞。各宜審計。變通。逆謀歸向。據茲事件。得以旌酬。勿謂無言。竟貽後悔。故茲示喻。各宜知悉。時排陣斬使康延孝。將勁騎三千。步兵萬人。為前鋒。招撫使李巖。與延孝同行。散人賁檄。以喻蜀部。史記蕭何傳。漢丞相諭告巴蜀檄。沛公為漢王。何諫曰。願養民以致賢人。收用巴蜀。運定三秦。天下可圖也。王曰。善。以何為丞相。進韓信為大將軍。說今引兵東定三秦。何以丞相留收巴蜀。鎮撫諭告。使給軍食。韓信傳。漢左丞相韓信諭燕檄。高祖三年冬十月。信既破趙。斬成安君。問計於廣武君。李左平曰。今足下虜魏王。擒夏說。不旬朝破趙。二十萬衆。誅成安君。名聞海內。威震諸侯。衆庶莫不輟作息情。靡水喻食。傾耳以待命者。當今之計。不如按甲休兵。百里之內。牛酒日至。北首燕路。然後發一乘之使。奉咫尺之書。以使燕燕。必不敢不聽。從燕而東。臨齊。雖有智者不能為齊計矣。是時燕王張敖項將所立。於是用廣武君策。發使燕。燕從風而靡。西漢書相如馬郎數歲。會唐蒙使畧通夜郎。焚中郎古曰。行取日畧。夜郎焚中郎古。而更也。音音北反。發巴蜀吏卒千人。郡又多發犍滑萬餘人。用軍興法。誅其渠率。拜古曰。渠人也。巴蜀民大驚。上聞之。乃遣相

永樂大典

卷二〇八五〇

如責唐蒙等。因諭告巴蜀民以非上意。檄曰。巴蜀太守。蠻夷自擅。不討之。日久矣。時使化邊境。勞士大夫。陛下即位。存撫天下。集安中國。然後興師。出兵北征匈奴。單于怖駭。交臂受事。屈膝請和。康居西域。重譯納貢。稽首來享。師古曰。來入朝。跪。稽首。禮也。一曰。享。獻也。獻其國外也。移師東指。聞越相誅。右弔。番禺。太子入朝。又曰。平。至也。番禺。南海郡治也。東伐楚。後至番禺。故言古也。師古曰。南越。與東越。所伐。漢發兵救之。南越。蒙太子。德也。故遣太子入朝。所以云平也。非。訓。至也。南夷之君。西雙之長。常致貢職。不敢怠惰。延頸舉踵。喁喁然。師古曰。喁。喁。來。口。向上也。音。魚。龍。反。皆。鄉。風。慕。義。欲。為。臣。妾。師古曰。鄉。讀。曰。嚮。道。里。遠。遠。山川。阻。深。不能。自。致。師古曰。與。至也。夫。不。順。者。已。誅。而。為。善。者。未。賞。故。遣。中。郎。將。往。賓。之。發。巴。蜀。之。士。各。五。百。人。以。奉。弊。衛。使。者。不。然。張。揖。曰。不。然。之。變。也。靡。有。兵。革。之。事。戰。鬪。之。患。今。聞。其。乃。發。軍。興。制。師古曰。以。發。軍。之。法。為。與。眾。之。制。也。驚。懼。子。弟。憂。患。畏。老。郡。又。擅。為。轉。粟。運。輸。皆。非。陛下。之。意。也。當。行。者。或。亡。進。自。賊。殺。師古曰。賊。猶。害。也。亦。非。人。臣。之。節。也。夫。邊。郡。之。士。聞。烽。舉。燧。燔。至。康。日。皆。如。復。木。葉。舞。著。矣。卑。頭。有。是。則。舉。之。楚。積。薪。有。是。則。燔。之。也。皆。擣。牙。而。馳。荷。兵。而。走。師古曰。擣。謂。揀。方。注。天。而。行。之。也。擣。音。古。涉。反。源。汗。相。屬。惟。

永樂大典卷二萬八百五十

恐居後。師古曰。備。建。也。音。之。故。反。觸。白。刃。胃。流。天。師古曰。胃。犯。也。畏。不。反。顧。計。不。旋。踵。人。懷。怒。心。如。報。私。讎。彼。豈。樂。死。惡。生。非。編。列。之。民。而。與。巴。蜀。異。主。哉。師古曰。編。列。謂。編。戶。也。編。音。布。先。反。計。深。慮。遠。意。國。家。之。難。而。舉。藏。大。子。昔。在。諸。侯。居。列。東。第。師古曰。東。第。曰。宅。也。居。帝。城。之。東。故。曰。東。第。也。終。則。遺。顯。號。於。後。世。傳。土。地。於。子。孫。事。行。甚。忠。敬。居。位。甚。安。佚。師古曰。佚。樂。也。讀。與。逸。同。名。聲。施。於。無。窮。功。烈。者。而。不。滅。是以。賢。人。君。子。肝。腦。塗。中。原。膏。液。潤。楚。中。而。不。辭。也。師古曰。楚。與。楚。同。古。野。字。也。古。羊。字。今。奉。幣。使。至。南。夷。即。自。賊。殺。或。亡。逃。抵。誅。師古曰。抵。至。也。亡。逃。而。至。於。誅。也。身。死。無。名。師古曰。無。音。名。也。謚。為。至。惡。師古曰。謚。者。行。之。跡。也。終。以。惡。死。後。榮。傳。後。故。謂。之。誡。耻。及。父。母。為。天。下。笑。人。之。度量。相。越。豈。不。遠。哉。然。此。非。獨。行。者。之。罪。也。父。兄。之。教。不。先。子。弟。之。率。不。謹。師古曰。不。先。者。謂。任。日。不。素。教。之。也。券。廉。解。肚。而。俗。不。長。厚。也。師古曰。券。解。音。少。也。解。音。息。淺。反。其。被。刑。戮。不。亦。宜。乎。陛下。患。使。者。有。司。之。若。彼。悼。不。肖。愚。民。之。如此。故。遣。信。使。師古曰。誠。信。之。人。以。為。使。也。曉。諭。百。姓。以。發。率。之。事。師古曰。諭。告。也。因。數。之。以。不。忠。死。亡。之。罪。也。師古曰。數。音。計。也。音。所。且。反。三。老。孝。弟。以。不。教。誨。

永樂大典

卷二〇八五一

之過。甲古曰。讀責也。質其教誨不備也。方今因時重煩百姓。甲古曰。重難也。不欲名樂之也。已新見近縣。甲古曰。近縣之人。使者以自見而。新之矣。故為敬文。故以示進所也。恐遠所。谷山澤之民。不備聞。檄到。遂下縣道。甲古曰。出。息也。縣有警。莫日道。咸輸。陸下。意勿忽。甲古曰。息。息也。

永樂大典卷之二萬八百五十

永樂大典卷二萬八百五十

二十六